

晚晴籀詩匯



晚晴籜詩匯卷二十二目錄

趙進美 十三首

彭而述 八首

李雯 十首

金鎮 五首

陳衍虞 五首

孫廷鐸 四首

江有溶 二首

陳名夏 九首

梁清標 二十首

杜立德 一首

成克鞏 一首

姚文然 三首

朱鼎延 一首

胡統虞 一首

劉肇國 一首

白胤謙 九首

李呈祥 六首

高珩 十二首

史可程 三首

朱嘉徵 十六首

王宏祚 四首

李楷 八首

吳百朋 一首

潘馴 三首

馮如京 七首

四兩建荷園卷三十一百餘

晚晴移詩匯卷二十二

徐世昌

趙進美字嶷叔一字韞退號清止益都人明崇禎庚辰進士入國朝授太常寺博士歷官福建按察使有清

止閣集

王漁洋曰公少為詩清真絕俗得王孟之趣使江西時尤刻意二謝其放吟一卷皆樂府詩顧盼跌宕不主故常丙戌後官京師與龔芝麓曹秋岳諸公唱和梨花楓葉諸篇風致不減清邱海叟使楚一集尤為藝林所貴重

詩話韞退少即工詩與姜如須宋荔裳陳臥子李舒章宋轅文輩分據南北壇坫遭亂與荔裳避地吳中稱詩服膺滄浪昌穀元美三家分守左江日嘗寓書漁洋論詩漁洋答以詩曰風塵憔悴趙黃門嶺表遷移役夢魂昨見端州書一紙說詩真欲到河源秋谷為其從孫論其詩謂踐信陽歷下之庭蓋國初諸家多自七子入不獨韞退為然也

籠泉

惆悵溪橋古樹涼
天涯行李豈能忘
已知山意多秋雨
自聽泉聲到夕陽

夏日范泉

清酒遙尋野樹香
鵝巖煙後漸蒼蒼
十年馬跡慚幽磬
六月蟬鳴在草堂
雨接泉聲搖竹色
雲含日氣作山光
方塘影暗流螢起
繞坐桐陰引夕涼

石門

石門寒色夜冥冥
遠起漁歌越客聽
短棹天涯自惆悵
亂鴉啼過女陽亭

宿興安

徙倚庭階暮苔衣
見履痕月臨官舍
小山帶女牆
尊古木

寒兼雨荒城靜似村天涯傷短髮獨坐對虛樽

賦得楓葉微紅近有霜

郭外西風繞岸斜長林秋靜有啼鴉微寒已入娟娟月遠
色初分澹澹霞千里題書臨白雁重陽疏雨映黃花洞庭
木葉傷心日寂寞懷人在水涯

送宋玉叔還萊陽

長安二月東風迴九門如霧凌晨開鶯花得時自婀娜笳
鼓向暮何啾哀此時重築黃金臺萊陽宋子天下才獻書
至尊賜顏色窮巷不掃公卿來干戈自昔有反覆神物豈
合終蒿萊憶昨飄零逐漁艇夜火荻花對清影一身入世
常坎珂二十爲文最遭警懷古蕭條擬過秦開樽感慨歌
哀郢難同年少登石渠稍喜詞人稱畫省意氣何如詩崛

奇世情頗厭官孤冷白日燕市愁風塵張鐙清夜留故人
我昔結髮與子友十年落魄安居陳江湖擾擾箭滿眼荆
棘月暗生飛燐昭王寢墓羣兔走千歲松柏摧爲薪狐裘
貴人光道路衝泥瘦馬何嶙峋尺書遠至妻孥泣投策欲
去僮僕嗔巢父釣竿不肯住彷彿夏雲開島樹靈藥神山
自渺茫海鷗野老非難遇繞陌垂楊黃鳥飛驪歌踟躕送
子歸天涯雙鬢愁搖落海上濁醪無是非

過衛輝宿廢苑

倚棹秋生牧野煙銀牀桂樹憶當年中朝弱弟梁王貴亂
歲詩侯衛叔賢斜日兼葭寒水動孤城風雨女牆懸繞池
修竹猶堪賦無奈啼烏夜燭前

蔡州行

城頭睥睨隱半規斜日欲下懸瓠池欹枕忽聞蔡州角過
眼如閃元和旗憶昔文城夜出甲監軍涕泣大校疑雪片
若掌溼弓劍傳呼問是洄曲兒功成橐鞬拜道左緋衣建
節導兩麾迎門婦子笑相語巷犬不吠雞在疇天中之山
地非遠蘗牙百歲生龜罷亦知賜牛盡赤子誰令躍馬驕
王師古來治民若琴瑟絃聲緩促惟所施哀樂須臾視覆
掌治世豈必皆軒羲至今孤城亂後在鶉衣誰子歌百罹
浮雲黯郭孤晝嘯頽垣漏屋侵蒿藜逆旅客過起哀柝舊
畦人歸見旅葵勳名世往終寂寞文章大筆空留垂君不
見荒草已沒丞相廟後人重刻從事碑

度庾嶺數里山勢鬱秀松蘿蒙蔚怪石嵌空苔繡錯

出有作

勞役獲幽賞炎荒慰此行
桃花春塢靜松葉石梁清
路逐溪聲得山如人意
成晚霞生積翠斜日鳥邊明

述征詩

江勢引征檣山色亦無盡
初陽散驚瀾流雲斂餘潤
澤國曠多愁谷風微有信
子棹何容與來舟橫一瞬
羣力爭亂石勞歌遞遠韻
稍覺蒼翠移方悟川途進
攬勝志易更目遙行不近
回沿非歸程旅懷安可問

曉郭下春星江月聞扣舷
初辭嶺海目遂覺山川妍
宿雲麗中椒回沙灼清漣
天天桃始華岸鳥鳴柔煙
羣動順嘉辰我行方沛然
觸類異歡戚道遠情屢遷
雙橈漾初日急瀨搖高天
獨謠託遐心浩蕩白鷗前

艣背指石帆更進煙際艇
靜聞廣陵鐘春林懸塔影
城郭

殊綺麗雲物自清迥曲巷縈柔絲高薨躋朝景娟娟柳覆
陌濛濛花垂嶺鳥飛山氣佳竹抱溪流永雜木雞臺荒殘
霞螢苑冷覽蹟感逝留撫運發深省

露下星未希雞鳴何草草旅夢無端倪征裳亦顛倒登岫
逐落月入林驚棲鳥野風自蕭瑟隴霞漸縹緲忽覺馬首
橫始見龜蒙繞孤村李花明茆屋鵲聲曉居人啟戶觀慰
我萬里道山川易爲遠歲月易爲老局促風塵間安得顏
色好

彭而述字子籛號禹峯鄧州人明崇禎庚辰進士入國
朝歷官廣西布政使有滇黔燕楚諸集

王漁洋曰彭禹峯雄豪磊落陳同甫一流人也詩多
軍中之作如戰壘荒城蒙段外華風邊日漢唐年白
露蠻江彫木葉黃沙羯鼓下營州千盤路吐檳榔鴨
一線天開玳瑁池此例數十句皆有磨盾橫槊之風

詩話禹峯英姿颯爽自負經世之略詩亦稱其爲人竹垞爲作集序謂人所應有盡有人所應無不必盡無蓋其縱筆所至不可以常軌繩然近體故多合作漁洋所舉數聯外披沙揀金往往見寶

雞場別石崑圃

遲暮難爲別相看更一卮他鄉芳草路瘴雨落花時楚國軍書滿昆明羽檄馳可憐分手處邊月照羅施

資孔驛

到此黔中盡山巔兩樹存香秔叢廢寺茅屋出孤村人語華番雜蟲聲遠近喧如何馬太史猶未識崑崙

永甯州

纔過雞公背還從象鼻行雲根一寺出石髓亂溪鳴歲月金錢費關河鐵馬情似聞南詔使廟算欲休兵

衡藩舊邸宴南將軍

又是悲秋日初筵動旅情若能爲楚舞何處得秦聲翠羽
當軒媚紅妝耀日明興亡成底事灑淚忽沾纓

靖州別高將軍

琥珀紅燈醉眼明兩年把臂靖州城天涯尊酒留書劍海
內烽塵老弟兄萬里旌旄猶在望五溪風雨倍含情東西
咫尺蒼梧水握手還期在此行

靖江廢邸同諸君秋集

無情最是此中山閱盡王孫只等閒尙有高臺堪命酒兼
逢勝侶一開顏石鯨薜荔秋蟲出玉螯梧桐野鳥還莫向
西風增感慨漢家樓閣暮雲間

王似鶴按察之中州

弓鳴落日帝城邊節鎮旌旗出使年雪苑寒雲梁殿闕朱

仙父老宋山川十年水旱寒帷裏八郡瘡痍畫戟前聞說
宣房煩壁馬好從河伯問桑田

筇竹寺

六詔彫殘舊戰場青山無恙一松長王孫老去荒祠在頗
耐興亡是夕陽

李雯字舒章江南華亭人明崇禎壬午舉人入國朝官

宏文院撰文中書有蓼齋集

詩話舒章少負才名與彭孝廉賓夏考功允彝陳黃
門子龍周太學立勳徐孝廉孚遠相唱和號雲間六
子鼎革後舒章歸國朝飛書走檄頗著聲
稱相傳睿忠親王致史閣部書即出其手

秋水閣聽客彈瑟

陽崖豁秋陰幽藹散松柏高樓起長眺愁見萬里白有客
攜鳴琴叩絃動清碧彈作瀟湘秋明湖水空液帝子眇何

居楚雲在層壁煙長吳王城高旻壯修翮淒淒鴻雁思清
商岩巖澤

自餘杭歷於潛道中

晨駕辭陰渚逶迤見巖邱芳翠滌餘藹迴沙灼清流洩雲
漫方聚深竹疑晴秋岑巒有連蟬道里無險投紛襲緬騰
舊汨澗搖澄湫楓楮秀中椒薜蕨橫道周青苗漾白水明
疇寫岫陬滄滄水霧滋娟娟微露收白鳥旣輕弱飛鱗亦
緩游旅人從此涉景曜俄然道餘暉滿層峯惆悵靡淹留
雨中舟次靈巖山

飛雨溼迴塘中林藹淒爽高臺蘭葉稀玉砌青苔上彷彿
歌吹音徘徊更興想芳趺長石華鳴榔動清響女蘿何嬋
娟煙虹竟來往香蕪草徑深琴沒離思鞅螭蛄則已鳴雲

寶初未朗輟棹曬層阿懷抱深俯仰

醉月灘懷李白

漸江之水流日夜素車白馬錢塘下我來新都飲練谿十日西干水空大雲雷奔起醉月灘子規五月啼風寒溪花錦石浩無主江上月出青楓間霞散城陽隅鐘鳴興唐寺我家太白高陽徒手縮長風弄清泌逸氣常聯青冥中山高水深異人至自從煙駕歸潯陽崩沙溼霧何茫茫披髮狂歌亦何有大隄楊柳隨風長宣平養真不可問今日雲孫來我傍夜泛彩鷁破澄碧濯足倒景疑瀟湘中椒搖影古殿赤石竹細路吹幽香我行到此步局促丹邱老翁神不揚身騎神驥安所適腰間寶玦誰爲光沙礫猶與人際會丈夫心事多徬徨蛟龍潛宅深水府魚鼈唼喋浮漁梁

風吟雨號安得辨但聞流水聲琅琅太白居我前我生太白後蟠根萬古稱同調勝地同游亦良構將登天都望匡廬煙海濛濛涼清晝朝躡雲中搜白猿暮援蒼藤捫星宿白兮白兮與我俱茅龍羽節來徐徐

大滌山行上黃石齋先生

大滌山南芳草秋風吹薜荔紅泉流先生講堂在空翠明星曉映蒼龍湫中藏寶書石窟幽武夷仗策凝清眸哀然述作動天地山鬼夜叫寒竹愁九重聖人問金匱畫閣蓬池儼相對閭闔門開虎豹疑玉階雲霧當空墜洞霄弟子伏青蒲紫陽真人披素膚長離折翼九苞在葳蕤四海浮雲徂此時草堂猿鶴呼石華紫桂山之隅會稽以南湘江北結蘭紉蕙心躊躇須臾霧捲招搖見下照滄洲滿芳甸

素卷朝看太乙宮，鶴書晚下披香殿。玉骨乾坤尚可留，丹
心日月悲重見。山上白雲晝不封，先生獨立青芙蓉。晚出
已愁鼙鼓急，時來不畏旌旗紅。赤車白馬馳山東，乘輅使
者來。恩恩願辭玉杖，見天子莫使蒼生望碧空。

感秋

遂有矜秋意，空庭落小涼。晚花濃刺日，病葉墮先霜。爽動
宜雕鶚，驕騰問犬羊。郊原最愁寂，瀝酒對蒼茫。
四海鬱兵氣，山川尚有姿。登臨及今日，幽滯失良期。不解
洛生詠，能吟豪士詩。閉門聊自臥，亂石迴相宜。

晚意

別墅寒原外，孤亭亂木中。雜霞停暝色，清吹入高桐。村靜
砧舂急，星嚴鳥雀通。蕭條最無事，閒久欲成翁。

秋盡

秋盡江天木葉稀空林日夕下寒暉
猶餘蟋蟀依牆穩更有蒼鷹奉雀歸
十月波濤掩秔稻北風刀尺問裳衣
壯夫盡落飛蓬後搔首徘徊立釣磯

江南霜氣老平蕪寒楚蒼蒼煙月孤
水薄平霞連畫角風高枯柳散城烏
鬢頭隱見占三塞雁翅飄零動五湖
爲有荒愁消不得明鏡午夜獨虬鬚

金鎮字又鑣號長真宛平人明崇禎壬午舉人入國朝
歷官江南按察使有清美堂詩集

湯陰使院中松石絕佳率爾題壁

每遇山水佳流連不能已松間數拳石嵌空幻奇詭
上有百尺陰蚪幹互攀倚我來值炎序解帶涼颺裏苔壁剔題

句前賢信清美緬想寇氛急滄桑幾城市獨此巋然存神
物敢褻視俯仰生遠懷揮杯竟餘晷故山有松泉直欲褰
裳起

鄆城奉謁魏相國留飲葆石堂賦謝

玉燭調成一疏歸東山絲竹遂初衣青門容我投元禮黃
閣惟公薦陸機便許觀碁開別墅還同把酒對漁磯此行
躑躅千秋陌吐握於今魏相稀

渡江至京口作

伐鼓臨江放櫂行江雲黯黯欲相迎樓臺樹壓山平出蘆
荻風迴潮漸生落日西津同作客新年北府又增兵匡時
無計聊舒嘯鷗鷺全能減宦情

邢州道中經圓津庵

小憇茅龕啜紫茶雨收十里度平沙香臺初日門扉靜一
院紅舒夜合花

紅橋

柳岸長橋覆酒家采蓮歌起日初斜轉思十載天中路風
雨南湖發藕花

陳衍虞字園公海陽人明崇禎壬午舉人入國朝官平

樂知縣有蓮山詩集

詩話園公生逢鼎革多憂生念亂之作臘朔感賦詩云屠蘇何處飲此地尚嘉平天亦憑人測年因逐月更謂是故鄉元日蓋是時兩粵州縣多有為明守者亂中推步失官因未置閏詩未編年不知為何歲事也

乙卯生日

黃髮披兩耳聰聽久已失住世即百年剛餘二十七苟非

松柏姿經霜茂難必家園傷久離休影仍蓬華亂中駒隙
駛皇覽又此日山友具雞黍祝我履旋吉老夫素支離旅
食資椽栗鋒鏑交四野埋照苦難密任運本無心制齡詎
有術夕照尙未頽誅藤縛松筆

龍隱洞讀元祐黨人碑

荒郊秋老木蕭摵孤巖幽曠仙靈宅龍去不知幾多年但
餘寒湫三百尺巖中古詠與今題墨暈劖滿不留隙摩崖
破蘚見殘碑衮衮諸公列黨籍端履門外已勒名如何瘴
鄉也鐫石元祐去今六百秋姓字了了存點畫中間縱有
剝蝕文依稀猶可想遺跡山靈不可沒奇人故留姦名顯
端碩不然多少斷碣半銷磨何故貞珉不泐今猶昔我來
坐卧其下先頂禮瞻望鴻名如圭璧可惜石工愧安民不

畏鬼非兼人責諸老歷歷星辰當年羽士曾避席不知
元長欲欺誰親揮毫素面不赤宋業成灰太師殄三百八
人名猶赫至今墨客過碑前指點蔡京笑啞啞

準提閣夜宿

蓮社偶投足客中兼亂中雲來巢几簾閣自冷杉松鳥夢
緣鈴短花魂借露紅懶殘何處在一指汗漫蹤

清漳道中

寒山設色翠重重一片霜林障碧空雨後人家深竹裏雲
邊僧室亂泉中踰關未覺風光異入國猶聞鄉語同偶逐
天風望碧海滄波萬頃去無窮

秋夜登燕子磯感懷

霧淨天高萬里秋巍礧巖業鎖江流山河代異波聲在麋

鹿朝游王氣收舊恨何須同楚泣雄心且莫問吳鉤月華
不管興亡事依舊深宵照石頭

孫廷鐸字道宣益都人明崇禎壬午舉人入國朝官陽

江知縣有說研堂集

詩話道宣爲文定從弟自號夢果道人煙蘿居士詩
爲漁洋秋谷所推漁洋嘗贈以詩有句云栗里應懷
古花時久杜門道宣嗜陶詩所居日陶庵又嘗避暑
閉關賦五言十章漁洋歎爲詠懷飲酒以後所僅見

甲午季夏閉關

性拙畏城市孤意耽山居裹糧常苦乏遂令此願虛不耕
復不讀悠悠已夏餘念之懷百憂中夜步階除會心豈在
遠奚必厭吾廬晨起謝親友杜門境已舒入室書盈篋可
以慰饑劬忻然遂息肩俯仰皆自如竹樹拂清暑蟬聲亦
蕭疏隔俗卽邱壑何須慕樵漁

避暑來柿巖晨出大峪道入谷已陰森數折氣益好巖壑
自湛深水聲發幽奧十里悉溪中白石淨如掃臨水開柴
門小亭巋新造風雨忽然來南山飛懸瀑暝色淡如秋炊
煙起晚竈我意方悠然同伴呼酒到數杯歡相持真足寄
嘯傲

仲秋晦日同呂仲英王協一張斗文飲西阜薄暮口

占

涉溪寒策衛日入遠山空樽酒秋香裏班荆落葉中星雲
平野黑燈火暗煙紅攜手新橋上蕭然向晚風

申符庶常宅守歲分韻得十五咸

升沈何處問巫咸客裏光陰似過颿晚景惟堪隨野老夢
魂那復著朝衫歲除回首家千里周甲齋心偈一函冷暝

自知還自問近來荆棘已全芟

江有溶字匯伯一字谷尙長沙人明崇禎壬午副榜貢
生入國朝官湘鄉教諭有勿躁集

詩話匯伯詩悽婉多故國
之思晚年去爲僧號本易

山居

郊原雨足靜蓬扉許放山林老布衣地隔市城過客少塵
封筆硯答書稀碁當斂局知高下鳥慣窺檐說是非消受
竹籬根處穩去年春盡尙遲歸

青泉白石坐忘機新整茅廬待燕飛時事急如春雨下名
心懶似洞雲歸才疏寡合身先退年少能文事已非安穩
何須頻握粟猜嫌不到薜蘿衣

陳名夏字百史溧陽人明崇禎癸未一甲三名進士授

修撰兼都給事中入國朝官至大學士有石雲居集

詩話曰史颺歷清要雅負時名梅村作序至擬之未
文憲徒以律身不慎晚節隳敗御製人臣儆心錄著
以爲鑑石雲居文集十五卷詩集七卷四庫存目謂
當時著作商榷典制足資考核故遺集流布尙在人
間

五子詠

滇南唐大宋

蒼山不可極英特應地符弱冠託豪素足跡凌寰區旁皇
恣冥探諸笑歸吾廬豈怨知者寡灌園道有餘

桐山方密之

方生天下士踔厲青雲端獨袂揮眾言河漢下飛湍宣籟
匹金石文陛相盤桓一朝黃鵠舉流盼傷羽翰

沛縣閻古古

歌臺大風起兒童吟樂章透迤數千紀作者稱登堂正聲
破淫哇取材齊柏梁男兒意氣重醉卧多憂傷

吳江沈元子

布衣頗不賤視我隱侯裔三篋暗能誦貴游爭交知山川
助貧窶乃欲安蒿藜歲暮長安道著書新滿帷

滇南蒼雪

側聞演象教乃在吳門山日夕詠四始策足開心顏家踰
一萬里天空鳥飛還同予念唐子慘澹禪燈間

西洋湯道未先生來

一日兩命駕過我松亭前執手慰老顏不若人相憐滄海
十萬里來任天官篇占象見端委告君憂未然忠愛性不
移直諫意益堅賈誼遇漢文治安書可傳公爲太史令洛

下誠並賢翻愧疇昔交勢利多扳緣願從學道術寡營成
大年

福甯州城外卽事慰袁生

書生攜我城外山童僕舉火何其難流螢入戶光自照蟋
蟀在牀鳴不聞予家旣破牛馬走世上饑寒無不有何人
共此患難中與君且醉重陽酒孔融旣逝賓客稀丈夫熟
視何所爲素秋零落色不瘁紛紛輕薄皆小兒我欲歌聽
者疑我重泣如縷縻以此嘆息無古道千載相思在管鮑

郊壇恭紀

霄漢星懸鹵薄飛泰壇燿火候龍衣連錢苑馬齊金勒作
陣宮烏厯翠微日景吹葭寒谷暝雲光繞仗羽林圍侍臣
恭賦橫汾祀羣望黃輿紫陌歸

至睢州有感

寒山淒絕暮煙斜舊日村原見幾家
草長甫田驚宿雉人稀落木亂啼鴉
畏兵相避真如火攜友長征未有涯
夙慕中原文獻地到來拂面起塵沙

梁清標字玉立一字蒼巖號棠村正定人明崇禎癸未

進士改庶吉士入國朝官至保和殿大學士有蕉林

集

詩話蒼巖精鑒賞所藏法書名畫甲海內其詩作於明季者意多感諷至順治朝則音節春容魏文毅稱其高華矜貴而不佻淵宏靜毓而有本申鳧盟日讀蕉林詩如披春風如觀宮闕如覩威鳳在霄其所形容者至矣

題新安劉孝子卷

上谷節義鄉異人稱輩出容城有兩賢高名掩白日流風

今未衰閭巷多可述憶昔過范陽懿德喧街術烈女動鬼神
庭葩改素質臧獲護主喪萬里有始卒稚兒牽母裳風
雨來颺颺今復聞劉子孝誠何專一舉刃血沾濡忘身療
母疾避人嫌釣名天地爲蕭瑟奇行雖不經至性豈恆匹
古遠俗日偷疇能全天秩卓矣追前賢後先並崒崒垂範
千萬年炳烜良史筆

漁陽老將行

漁陽重鎮臨邊隅將軍燕領赤虬鬚少小結髮事行陣彎
弓自請當單于軍中行酒青油幕馬上穿楊金僕姑養士
家財能立散摧鋒徧體無完膚將軍膽略古無兩逐北直
取封侯賞大小身經數百戰九邊形勢如指掌報主瀕死
沙場中論功欲繪凌煙上豈知歲月空蹉跎將軍已老雙

鬢髭內外一家方罷戰
毳帳滿地驅明駝
邊備不修閒土馬
歸來小獵南山阿
猿臂無力射猛虎
雄心卧看浮雲過
寶刀既賣賓客散
柴門反閉張雀羅
幽州健兒夜吹角
夢魂猶繞白狼河

李園行

西直門外清泉流
李園鉅麗甲皇州
苑內潺湲疏碧沼
天際窈窕開朱樓
錦堂繡幙列鐘鼎
曲房密室鳴箜篌
戚畹生當全盛世
張筵招客多貴遊
十五妖姬伺後閣
千金騾裹羅前頭
珠履稱觴金鑿落
牙檣載酒木蘭舟
勝賞四時歡不改
花落花開春常在
已分風月爲主人
豈料桑田變滄海
子來繫馬門前樹
寂寂池塘鎖煙霧
不見當年歌舞人
春雨秋霜自朝暮
畫棟敲斜落燕巢
芰荷零亂眠鷗鷺

殷勤但見白髮翁自言少小居園中主人華貴擁金穴爲
園鉅萬泥沙同奇石移來儼幽壑飛橋天矯如長虹芙蕖
香滿槐庭月水閣涼生楊柳風行樂幾時賓客散往事歛
忽雲烟空池不種荷惟種稻年年輸稅歸王宮吁嗟老翁
何愚蒙盛衰自昔猶轉蓬君不見石家金谷誰爲主丞相
平泉亦塵土李君李君昔何雄慷慨相看淚如雨

蕉林書室歌

主人疎放麋鹿性小築茆茨愛幽靚地偏偶結陶潛廬客
至暫開蔣詡徑種蕉陰陰如綠天北窻長日疑小年攢莖
抽葉布清影赤日障蔽空堂寒倚檻數竿竹髯髯瀟湘浦
秋晚畦流漠漠雲夜涼簾捲聲聲雨主人樂此長閉關簷
花如綺圖書閒當門不種鈎衣草入室頻移幽谷蘭車馬

九衢任雜遝坐擁萬卷心悠然焚香偃仰復何事蕭颯志
在滄洲間塵壒紛紛安所極獨上元龍樓百尺自笑平生
與世違且對蕉林共晨夕出門波濤滾滾來仰視浮雲興
太息

初夏齋中

輕陰細雨響庭柯開徑唯應二仲過蕉影上窗新筍直蛛
絲垂戶落花多焚香自信無機事退食甯能廢嘯歌門外
儘教塵十丈坐銷白日似山阿

畫眉

綠窗喚醒夢于于清晝雕籠婉轉呼淡掃偏嫌螺黛染曉
粧偷取遠山圖合德入宮爲薄眉號遠山黛不須好句馴鸚鵡絕勝佳
人唱鷓鴣想像當年京兆筆趙家姊妹妬還無

過順德感懷

郡故趙國有嬰白豫讓遺跡沙河縣北宋文貞公墓在焉余少時曾過此

名城猶憶少年遊
此日寒煙朔雁秋
桑柘依然憐故苑
河山無恙壯邢州
一身生死孤兒在
千古艱難國士酬
唐相豐碑遙可望
西風蕭瑟起松楸

彭蠡湖

彭蠡湖邊落照低
大孤山下草淒淒
烟巒巒嶺岳新飛瀑
廟貌康郎舊鼓鼙
皎月影翻鴻雁陣
黃蘆寒聽鷓鴣啼
雲帆一片風催客
何處東林問虎溪

游飛來寺

黃帝二子居此又有歸猿洞定心泉

帝子雲栖去不回
短筇今見石堂開
虛巖鳴磬潮音迥
客路憑闌暮景催
風雨光中珠殿出
藤蘿陰裏玉環來
定心泉水懸千尺
爲乞清泠露一杯

湯陰拜武穆祠

萬古悲涼地徘徊夕照中河山餘涕淚寢廟動秋風夜雨
旌旗出晴沙戰壘空白頭諸父老指點說英雄

過椒山先生墓

曾讀遺書歎直臣遙阡極望更沾巾一身生死留天地兩
疏淋漓泣鬼神烏集墓門名不忝鶴歸華表恨如新行行
立馬秋風急杯酒何年薦澗蘋

送寶臣舅氏之任臨洮

寒風獵獵木棉裘燕領書生賦遠遊歧路一尊河朔淚夕
陽萬里隴雲愁函關夜雪鳴雞度洮水春冰繞塞流惜別
酒杯須更進男兒壯事在吳鉤

寄德滋弟

行行牛角掛農書
雨後村田晚自鋤
客至一樽秋露下
烹葵剝棗事何如
數椽十畝更何求
酒滿樽罍月滿樓
庶下妻孥頻舉案
西風人醉稻花秋

徐河橋

解鞍憶昔坐橋頭
數見徐河清淺流
今日重過雙鬢白
澹烟疎柳一天秋

旅夢

夢中家岫碧于簪
兒女團圞話正酣
津吏喚人斜月落
不知身在古淮南

寄贈維揚蕭靈曦

牆東避世卧江村
隱几翛然對酒樽
邗上荷衣今散客
蘭

陵華胄舊王孫煙雲自繞滄洲筆車轍多停薜荔門爲寫
蕉林驚絕技安能把臂與同論

維揚宗梅岑寄余詩扇賦此寄謝

修竹東原澹夕暉陽春獨唱和偏希風流先代名才子落
拓淮南有布衣好我遠投青玉案避人長掩白雲扉通家
十載勞魂夢縮地何由問釣磯

梅岑爲方城先生後人

九日

歲歲登高處憑闌此復同客情秋色裏世事亂雲中壇影
連殘照汀沙起斷鴻天南頻極目燧火至今紅

薊門道中

晨驅清客思春墅峭寒時雨氣涵危嶺花梢媚短籬繞田
村水活隔岸柳陰移不斷山雲出徘徊馬去遲

杜立德字純一寶坻人明崇禎癸未進士入國朝授中書科中書官至保和殿大學士加少傅兼太子太傅諡文端有太傅詩選

詩話文端順治間自給諫累遷長刑部爲世祖所賞有不妄取一錢不妄殺一人之論康熙初遂入相及告歸聖祖賜怡情洛社小印並賦詩以寵其行相傳癸丑典會試搜落卷得韓文懿已爲房考所抹文端就句旁紅擲改千里來龍四字遂以冠多士房考用硃筆硃卷加評語或其時制度與後來不同歟

有所思

故人經歲別悵望久無音塢隱江村小煙迷樹色深疏風吹綺幕新月上瑤琴靜裏相思極何時愜素襟

成克鞏字子固號青壇大名人明崇禎癸未進士改庶

吉士入國朝授檢討官至秘書院大學士加少傅兼

太子太傅有清慎堂集

詩話青壇爲文穆公基命子遭際興朝游登政地
與高陽李文勤同以沈宋之清才負韋平之雅望家
有素園歸老後重加葺治有雲石堂八風亭攬秀策
雲樓柳塘靜舫諸勝繪圖徵題並世知名之士皆爲
歌詠幽谿深樹一
詩卽其時作也

修素園

第後園林依水灣城隈雉堞帶煙鬟幽谿鶴步苔痕靜深
樹雲留鳥語閒晝錦重霑新雨露天章分映舊湖山花晨
月夕優游處手澤書香俯仰間

姚文然字若侯號龍懷桐城人崇禎癸未進士改庶吉
士入國朝復以薦授庶吉士改給事中官至刑部尙

書諡端恪有姚端恪公詩集

詩話端恪少與兄覲侯集侯同擅文譽有三姚之目
時兩弟駕侯夏侯尙幼旣長亦相與頡頏端恪晚長
可寇審定律令因明之舊而稍加損益務以寬大
平允爲主遂成一代憲典詩雅令典則正始之音

憶邵村

生別已腸裂生聚更嗚咽兄弟四五人盡倚寒邊月雙親
亦從行眼暗髮垂雪甘旨弗能供菽水艱一啜老兄素滑
稽談諧能中節舞衣百結餘戲作老萊跌破彼萬古愁賺
此片晷悅窮邊大孝心事與前賢別苦地無閒身預恐炊
薪缺荷斧笑辭親上山淚流血
死苦一朝畢生苦浩茫茫懷鄉與惜別身外總不遑晝飢
望晝短夜寒苦夜長邊夜一晨昏海水三爲桑回首造物
恩參爾四十霜生平悲歌心百思無一當七尺未遽朽萬
苦聽所將其中有真人冲然廣莫鄉弦望自有時北斗低
復昂萬一金雞鳴甘霖灑大荒

入山

積雨喜微霽
輿便出城綠
深山徑合白
漲野橋平近
竹煙初上穿
林犬故迎半
年成契闊深
負買山情

朱鼎延字嵩若平陰人明崇禎癸未進士入國朝授禮部主事官至工部尙書有知年集蘧未庵集

初秋登樓

東來岱色入蒼茫
望裏煙嵐接太行
遠浦平沙棲雁鷺
高原落日下牛羊
庾公月底航清興
王粲樓頭憶故鄉
況是滿城礮杵急
風淒萬戶客愁長

胡統虞字孝緒號此庵武陵人明崇禎癸未進士改庶吉士入國朝授檢討官至秘書院大學士降秘書院學士

渡沉水

灘淺聲如瀉人行逐影流歇鞍休病馬掬水戲浮鷗野渡
橫西岸江關截上游莫言鄉國遠襟帶在扁舟

劉肇國字阮仙潛江人明崇禎癸未進士改庶吉士入
國朝歷官內閣學士有菱湄詩集

夜雨同六弟作

淡泊存吾素羈棲何所營春山隨意老細雨帶愁生歸雁
難成隊飢鳥不定聲聯牀惟手足和淚對鐙檠

白眉謙字子益號東谷陽城人明崇禎癸未進士改
庶吉士入國朝授檢討官至刑部尙書降通政使有
東谷歸庸桑榆等集

述亂

先皇御天宇聖德靡不周英謀乘末造百職嗟未修賊寇

晚晴雜言匯卷二十一
禍竟烈率土戴同仇宮車不忍聽社稷淪浮漚鴟張窺寶
籙逆毒播神州三光黯失色五嶽撐齊愁萬乘東方來自
天降貔貅一鼓克關甸長驅抵燕幽電掃歛雷崩羣孽載
奄劉八荒幸弛憤九廟亦濯羞弔伐協天機仁義匪弓矛
嗟晉越西鄙實維衝賊喉封豕又巢穴曷遽釋兜鍪跨河
遂收嶠不啻觸螳邱元愍稽天誅長瞻血淚流

湖南紀行

我行洞庭野言瞻祝融岫乾坤再混闢慘澹干戈後破艇
渡清湘四望無耕耨村屋盡燬餘蒿萊殖禽獸沙邊三閭
廟無人垂橘柚山鬼護幽忠髣髴存遺構當時賊獻禍封
剽徧老幼頃詫湘艇人拳臂缺其右獨手抗一舟悍勇亦
難又路長僕夫瘁迫暮巾車逗依然等七尺胡令肩馳驟

念茲每戰戰德涼懼顛仆巴南驛罷最處處懸空殿卒三代馬一甘心賤骨肉啞笑畜翻貴漫忝五行秀南方土性濕皇天復時漏踉蹌日半百但覓孤煙傲枵腹曉侵星腰斧行擔糗自匪奉役徒敢與豺虎鬪力微仗藥餌客有青囊副隄防祛瘴蟲未惜形骸瘦憶在金閨內朝朝手納袖寵驕良自尊辛劬分焉次幸厯天地寬覩聞謝局陋南土位正離物采宜孔富攬茲裔荒苦稍悉民瘼透聖圖樂廣大入版號錯繡本原戒土滿遠近法殊守橫額自前代更創冀蠲宥況以勤百粵誅求到猿狖萬里運大木楚材詎卽湊曷怪綏懷地飄忽長羣寇人文闕區化剖格宜宏售庶用獎奔躡漸摩歸輻輳長沙遷謫場親朋一眉皺褰帷踰軫星訝過鴻毛適豈聞衣白客乞隱煙霞舊居然斗筭

器曠世典親邁懷中尺一簡至尊御幄授七十二高峯奇
峻蟠窮宙圖經第六柱屹若撐雲竇穹碑篆鳥跡詰屈不
可讀靈官都岳麓血闕棲仁壽百王禮一致虔穆承孚祐
三光益晶輝八埏息斥堠修文詘亂萌太平觀俎豆憚縮
旅瀟岑初知漢武謬孤孱竭四牡蹇蹇遑宵晝方當詣鄗
豕嚴壇朝二后結束振歸策玉階效奔奏

幸喜大同逆帥姜瓖授首

幸喜雲中捷元兇已受誅神功收不戰仁澤到無辜草竊
終難久餘氛會一蘇有家見天日歌舞徧山隅

贈吳駿公先生

先輩名高四海宗帝鄉華髮此相逢卽看日下人如鶴共
倚天邊氣是龍雙闕露凝仙子掌十洲雲擁大夫松上林

羽獵誰能賦顧問應沾聖澤濃

山行追舊遊

千尺崖間掛古松泉聲無恙答山鐘遊人指引松間路踏
破蒼雲數十重

卽事效韓昌黎體

昔日司空舍高真列上仙今朝司寇館頑陋謝前賢石室
拋殘竈繩牀覓舊氈遺風相接處清白類家傳

六月一日羲風樓作

客歲此日請告發都門

玉階搔首罷朝天茅屋銜恩已一年引分無能酬造化捫
懷猶畏負林泉當空臺閣攢朝爽隔水菑畬弄夕煙大喜
成康風化洽終堪安穩北牕眠

谿行

習習輕風透袷衣閒行不畏目光微一聽流水心期足隨
意落花高下飛

寄贈宋玉叔觀察署中

按節重爲萬里行雲山到處客愁輕漫誇宋玉才難並解
識文翁化早成玉壘晴開翡翠色錦江月落子規聲少陵
佳句從來慣莫倚能兼吏隱名

李呈祥字其旋又字吉津霑化人明崇禎癸未進士改
庶吉士入國朝授編修歷官詹事府少詹事兼侍講

學士有東村集

唐濟武日庚子夏畿輔亢旱詔查建言得罪諸臣所
司列奏十餘人奉旨李呈祥情罪頗輕著免罪釋回
餘若對魏公廣陵季公雖同被恩命俱已前死惟
公一人生入玉門此梁蒼巖相國有數子蒙恩惟爾
在之贈也查初白日先生詩氣道而力健百餘年
來詞壇吟社先後代興必稱濟上滄溟阮亭之詩盛

行海內抑知李後王前乃有宮
詹先生固可並驅方駕者乎

香巖閣

九頂露蓮萼千巖轉逼窄鑿空繡紫苔冰乳垂滴瀝青松
緊如拳怒虬蹲絕壁佛閣駕石船凌空飛翠嶺仰盼天一
痕欲前足不力禪榻杳無人雲洞遂深闌鐘鳴川谷幽霜
清寒月夕崖崩古殿摧庭虛落葉積秀從恆岳分路向臺
山陟祀典既遷移精靈豈久寂檀施見經營靜侶還駐錫
嶽靈絳節朝大士燈光白游者堅道心萬古清涼宅

野望

端居絕物役晨炊飽藜羹微風動遠樹坦步及春晴耳目
入寥廓天地但空明羣動各自適眾音相和鳴自註飛不
羨啄此其適也前者唱
予後者隨之此其和也

牆陰有殘雪非與朝陽爭老松無別態氣至理亦榮飛鳥
憑雙翼忽與雲煙并千峯豈我隔孤杖果何情

晚歸

未許閒無事栖栖薄暮行雲歸青嶂合日落紫烟橫歲晚
身爲客寒深雪滿城柴門常不掩地曠月先明

瀛洲亭見白鸚鵡

白燕何時去未回瀛洲亭上雪衣來天高鶴馭秋風便地
近龍樓日色開影向玉堂清自照心依雕檻靜無猜笙簧
知爾能傳語好記南山萬壽杯

贈季天中給練

絕塞秋深萬樹丹飄然一葉自長安鴻音漸急晨霜下客
夢初回夜雨寒別後玉階留諫草窮來函谷有彈冠廣陵

遺曲今應續八月濤聲袖裏看

高珩字葱佩號念東淄川人明崇禎癸未進士入國朝

官至刑部侍郎有棲雲閣集

詩話念東襟情蕭逸每宴飲賦詩擇客代書無論歌
行近體衝口而出時稱效唾珠璣篇什最富集為趙
秋谷選刻十存其一晚為蔚州魏尚書特薦擢官未
久即致仕居松筠庵益州馮相國過之念東贈詩云
戶倚雙藤禪宇開無人知是相公來
相看一笑忘朝市風味依然兩秀才

清明送客

紅蠟煙輕出禁城天涯也復有清明佳晨作客風情借晴
日還鄉意氣生果下金丸年少去水邊珠玑祓麗人行讀書
鐙火無勞乞且喜前村酒旆迎

感興

薊草青連孝水濱就中難著宦游身聽鶯杜曲誰攜酒走

晚晴雜言匯卷二十一
三
馬蘭臺不當春幾日禁煙餉粥舊昨宵微雨杏胎新年年
未識東風面總爲穠華解誤人

翻嫌寒食到匆匆老去情懷漸不同春事頓拋鄉夢外雨
聲全在客心中相爭燕感東西水欲放梅商斷續風最苦
衝泥朝鳳闕禁鐘纔斷火城紅

小酌示客

華筵鐘鼓馬牛風小酌清談興不窮熟睡忘情兼蝶盡閒
行無意與雲同年光俱向歌吹換山水能將哀樂空返照
超然塵壒外笙簫縹緲大瀛東

候仙園有感

素壁熒熒醉墨顛芙蓉花落客淒然何人分我西州涕也
對清溪歎逝川

祭告南岳雜詩

行人到武昌已作半途喜那識武昌南煙水五千里
兩岸層層嶂孤城面面山橫襟憑一葉睥睨洞庭間
未入衡州郭先見衡州城城牆垂薜荔大抵似巴陵
綠淨不可唾此語足千古天水澹相涵中有數聲鶻
花放不知名稻秀猶能長芳草隱清流但聽清流響
幾月舟行久今朝倦眼開萬峯飛舞處一片大江來
南岳雲中盡東流海上忙他年圖畫裏著我在瀟湘

史可程字赤豹號遽庵大興人明崇禎癸未進士改庶
吉士有浮叟詩集

廣陵先兄閣部墓下作

一杯乾淨地灑血酌孤樽雁序淪黃土蓀枝乾白門蛇龍

纏日月箕尾正乾坤浩氣今何許空嗟五丈原
烈風梅嶺肅高會自平山方拾迷樓燼誰尋遺鏃斑雨垣
頽似蕢江月暈如環披髮疑公下蒼茫羽檄間

大佛谷

萬疊千盤勢漸增塗窮無復怯峻嶒偶然穿峽聞人語虎
豹窠中一老僧

朱嘉徵字岷左號止溪海甯人明崇禎癸未會試副榜

入國朝官敘州推官有止溪集

吳退庵曰止溪少與朱一是范驥袁株輩結十二子
詩社官蜀時值亂後問杜公草堂無識其處者一日
於煙霞露蔓中得殘碑推案故地始出歸里後與張
次仲朱朝瑛等糾史談經蕭然自得子若媳及諸孫
皆工詩一門唱和
藝苑傳為美談

哀三哀

吾生已足厭死者未云亡徐君墓宿草心許與劍長初從
鳳林游十九二十強嶽嶽青雲器爛爛列星行時危薄文
術昂畢始啟疆草疏輒痛哭持身以大綱朝廷正渴賢私
門多禁當有斧空無柯內園而柄方上書同時別荆玉夜
精光聲價走璠璵所寶非世良入洛豈君意飢驅自旁皇
五十始釋褐因之白玉堂雲中雙飛鶴游止必相將一鶴
凌霄漢一鶴淹故鄉霄漢忽垂翅頗令存者傷庶常徐道
力元粲
龍門後死者曠世得談子終老博士身義風振閭里磴礪
卧江山疎野氣味美薄俗難使眞獨負蒼生耻上下數千
年衡斷無與比昭代十六皇聖德繫泰否蘭臺空汗青名
山正時紀較讐魯魚編直筆董狐史甲申逢世患徒步闕
廷死去列幕府雄氣橫建業水仗劍履間關畫河且高壘

明時彙言四卷二十一
責我義公徒破家存國祀悔不用公言偷活溝壑耳生歌

平陵東邱首高風起

處士談
孺木遷

郭公文章伯結交高陽徒力不勝杯酌酒盞無時疎愛客
無不可顏色真敷愉手捻綠沉管拍浮錦屠蘇卽席賦新
藻寒冰瀉玉壺清歡愜佳夜芳月帶尊虛百年常對此冷
然三山俱一從宦達去捉鼻揮當塗當塗良不易福羽隨
禍樞郭隗去碣石韓眾凌清都語默以殊趣各保千金軀
軀命豈不愛宦情亦相于世僞卻真驥鉛刀笑湛盧送君
黃花發哭君春風徂春風復九日攜酒誰與娛所以伯牙
子撫琴淚成珠

大行郭
彥深瘡

送陳穉升之遼左

寒江細雨春帆沒客子單衣中夜發腰間長佩雙飛龍懷

裏時瀉千明月翩翩結束向營州虎視龍驤燕領侯去日
草齊揚子岸歸時花滿鳳凰樓樓頭錦瑟相晚暮岸上芳
塵雜花霧萬里征人不忍看到處春心迷去住公子愛客
錦駝羹新詩獨傲滄洲情有時訪余三徑曲高下谿梅百
徧行行去行來觀不足趁步飛香坐我屋真率了無賓主
意感激清風動潭竹我今老逐眾人休君欲東之遼海頭
遼海瀰漫不可極幼安卓帽空悠悠悠悠世事同一指絕
塞偷生牖下死高叫閬闔終無情不復關君門戶事仰視
黃鵠摩天飛十里五里自徘徊口欲銜雛不能語垂翅錯
莫無東西英雄失路時則有青山白雲落吾手出門所向
獨有身肯令生平此言負自古營東海水多刀鏃夜夜映
金波中有雙魚傳素書送君南浦傷如何

李元御世兄過訪念歸安陸不果

長成離亂後相見爾應稀
客況緣愁壯家山入夢微
荆門天際合漢水望中非
舊好猶能識東陵一布衣

碧霞院

石幢祇樹道人居
踏閣攀林野興疏
已厭乳烏羣噪食
笑看溪鷺暗窺魚
綠槐垂穗依僧語
紅藥分畦對客鋤
誰識建章宮裏使
輸君一衲是樵漁

入棧湖清江河第一盤

青山意無盡白雲何年封
客行亂雲氣起滅千萬峯
清江貫其裏溜水清溶溶
東流還入渭勢下黃河衝
征鳥相背飛舉翮凌熨
印緘怨託微波歷亂無
春冬

廢邱歷陳倉山第九盤

山險至此夷秦民聿胥宇廢邱見舊屯陳倉殷積糈蜀漢
相犄角壯哉此門戶南山市夜郎東道連荆楚猗嗟鼎足
雄益都稱天府今日詢遺甿十不存四五又復死於寇子
遺飽豺虎廢白貽阿誰先疇不復土直視千里道行客淚
如雨

雞留坡第二盤

行行不覺遠石路緣溪長車坂已九折猶與前溪望荒哉
鳳鳥游寶雞鳴陳倉光景動民人霸業秦以昌縹緲空坡
上一絕若流光我來眷芳節山風吹襍香還復理蕙帶飄
然約我裳

武關第十三盤

武關道益隘林壑生虛籟浮雲游子情悠悠卷飛旆日月

如兩丸卻行石壁外鎖鑰西南徼勢與函關會天險不可
登地險自雄大百年成霸圖大風起豐沛

田家雜詩

田父班草坐高話皇初事迂亦有微尙不爲繭絲計土地
得耕桑豺虎息狂噬循良列上第流冗鮮淫滯三日賦冬
官什一輸井稅窮鄉長雞豚乘輿備鈞駟野外少遺賢亭
落若無吏

爰居駭鐘鼓山鹿思豐草人生蓋有道稱心故言好三季
事縱橫薄俗任機巧上勢列牢衡下董鄉三老放廢詩書
文傾身營一飽高者尙清譚誤國亦非小世事若蟣蝨爬
梳不可了多謝諸老翁推襟送懷抱

立春日過洞庭

臘去城陵驛風光滿洞庭雪前三楚斷雲外九疑青草色
連芳杜漁歌出晚汀天邊傳使者移步看春星

黃牛峽

三朝三暮灘聲轉短拍長歌出水齊白雁書難過夢北清
猿淚不到巴西江連斷峽風威壯雲逐荒臺雨色迷客路
不堪搔首佇黃陵月冷鷓鴣啼

涉灞水

游人西去蜀灞水復東流宦拙思江總辭家已白頭

登數峯閣

數峯古閣面江湖難浣先臣血淚枯白走胥濤吞白越青
排楚塞入三吳新亭舊恨迷芳渚夜月春枝冷鷓鴣此去
孝陵松柏路凭高西望已模糊

王宏祚字懋自號思齋保山人明舉人官戶部郎中入
國朝官至兵部尙書加太子太保諡端簡有頤菴詩

集

詩話順治中端簡長戶部最久定賦役全書各直省
田賦皆用萬厯舊額其議發於范文肅宋文康而端
簡實成之仁人利溥民到於今康熙初以忤
輔臣罷景陵親政復起長兵部旋卒於官

送霍魯齋侍御備兵吳興

簡命鶴溪濱蘭臺寵渥新觀風期攬轡戀闕欲埋輪山色
搖行憶湖光映吏人東南筐篚盡願早奏楓宸

懷鄉

六詔烽煙說不真十年鼙鼓慘滇塵玉龍金馬無家別鐵
柱香巖有夢親庾信江南哀作賦杜陵峽北淚沾巾關河
萬里黃雲起渺渺愁予風打蘋

渡潞河

奉使畿東渡潞河回看城郭尙崔嵬
凌雲塔聳浮空影帶月檣飛起素波粟滿千倉
鼯鼠飽眷流萬竈雁鴻歌獨憐民力東南竭欲起瘡痕可奈何

舟中望金山寺

潤州形勢鬱嵒堯泊艇朝看四望遙
山擁千峯低日月塔懸雙照倚雲霄
芙蓉樓瞰銀屏渡萍蓼沙通鐵甕潮擊楫
中流思黯黯江南十捷未須驕

李楷字叔則號岸翁朝邑人明舉人入國朝官寶應知

縣

詩話叔則少負才名與王雪蕉馬元馭韓聖秋稱關
中四子罷官後流寓廣陵與李明睿太虛合撰二李
王書後歸里鍵戶著書學者號爲河濱夫子

大河

大河流日夜客心多
低徊不見乘槎去
只教飛浪來傍有
舊龍門岨崕何壯哉
大禹不可得淒涼萬古哀
況乎無安瀾魚龍悲相催

雪

粒雪飄兼雨小航凍獨遲
江煙流樹暗塔鐸語風悲
岸草三軍積村糧萬竈移
休談鳴鏑事故國怯阡危

吳市

朝游吳市門夕眺太湖雲
梅尉已仙去龍威不可羣
陂塘翔宿鷺城郭入斜曛
壯士專諸里蕭然少見聞

平章砦

平章砦北大河西夾岸
菁蔥草色迷一片浮雲
諸徼遠半

輪落日萬峯低野香花藥隨時發林黑烏鴉向客啼卻怪
蛟龍如有意滔滔直欲灌山溪

飛壑

一壑非人間乃在雲之半不知履齒聲卻被飛雲亂

芒稻河

雨打小溪舟閒心那著愁卻嗔溪入海不許向東流

讀劉蕡傳

李唐葉葉富詞臣今日猶傳下第文留得直言爲盛事千
秋原不負參軍

海雲庵

驥江東郭海雲庵有客來游野與酣海氣初清秋色動垂
楊曉月似江南

吳百朋字錦雯錢塘人明舉人官南和知縣有樸庵集

贈宋荔裳

相思五載何由見屋梁落月疑君面漫傷元髮忽成絲無
那華年去如箭憶昔扁舟吳地游登高作賦卑曹劉聯鑣
共入三天竺把酒還登萬歲樓此時君才殊倜儻中原屈
指雄心壯下走蕭蕭一蒯緱依劉王粲騰高唱桃葉渡頭
烏夜啼飄零盡室在西溪彈碁擊筑座上滿玉臺春酒山
中攜江南江北各奔竄別後書來長尺半贈袍每念范睢
貧解驂思濟越石難世人白眼欺豪賢黃金不多人不憐
君獨忼慨命游俠丹陽時覓孝廉船夢日亭邊花似霰牛
渚蟻磯澄匹練元暉築室愛青山太白揚帆恣歡宴春風
楊柳已垂絲青鞋布襪到鳩茲還尋北海孫賓石應爲窮

途識趙岐

潘馴字士雅貴陽人明崇禎間舉人入國朝官蒙自知

縣有出岫草瘦竹亭詩

詩話士雅宰蒙自有惠政晚與吳滋大中蕃李壽人
祺應安邱曹中丞之聘纂修通志潘氏故大家七世
十二人皆有集父潤民味淡軒集弟驥淡遠堂集子
德徵玉樹亭集貧居集孫奕滇游草快有留餘堂
會孫文芮翠屏寄客詩文苞琢雲軒詩稟元孫曉斷
續亭稟來孫以激甯遇堂稟以浴思敬堂稟昇孫桐
客留草榭藝蘭軒稟世
擅風雅為黔中之冠

雨止

秋雨愁難霽新晴亦偶然萬山青楚塞一鷺白江天世事
浮雲外鄉心落照邊片帆輕似葉計日到花源

秋日和李玉庵韻

望中秋色淡倚檻自依依漸薄雲難定將還鳥倦飛酒狂

思舊社官拙想初衣卻愧陶居士初來便賦歸

秋晴

每到深秋後常多積晦天詎期昨夜雨散作滿林煙紅葉
沿溪寺黃雲帶郭田佳時不易得暫醉菊花前

馮如京字修隱號秋水代州人明官永定同知入國朝

厯官廣東左布政使有秋水集

詩話崇禎間詔郡國選士秋水褒然舉首庚辰赴廷對授灤州知州足跡半天下所經名勝多有紀載應官畿輔中遭寇亂詩有激楚之音

寄舍弟容

羨爾能辭組傷吾未拂衣天涯同寂寞骨月幾睽違片月
千山靜孤雲一雁飛何時重載酒共醉舊柴扉

哭妹客自廣陵來知吾妹避亂客舟寇兵將及遂沈河死一時慘然爲詩以哭之俟悉死事顛末別

傳以詳時端月
晦日年在丙戌

大節甘心死沉河無一言寒江流積恨明月弔孤魂兩岸
啼鵲血千秋怨女冤夜風吹冷骨不復葬家園

義死終非死偷生豈是生猿啼空有淚鶴夢已無情江月
年年白秋風夜夜清冥臺休更怨湘水此芳名

春日郊行攜子驪作

當年躍馬事如何老去尋芳兩鬢皤夾岸草平連大澤句
山嵐影下滹沱白雲澹染春衫濕黃鳥晴眠古樹多貰酒
不因貧病減呼兒共醉綠茵莎

贈馬大將軍援漳凱旋

將軍大纛奠南州麟閣功名萬戶侯露布驚搖漳海月雲
旗高拂閩山秋黃金繡甲三千土碧玉清歌十二樓共醉

昇平無戰伐西風射獵臂青鞵

和紀伯紫

空明火樹九霞天咳唾珠璣落座前
畫省高檠開甲帳雕牕小飲及丁年
龍身佩影光驚白鶴籀繙竒道又立此夜
誰多金谷酒漉巾老子欲先眠

雲中感懷

野堞迢迢望戍樓繁華戰後此荒邱
金鳧零落孤村夢石鶴蕭條萬古愁
寒峽遙看迴玉塞黃雲不盡捲沙洲
長歌徙倚增悲感獨洗殘碑弔素秋

晚晴籀詩匯卷二十一終

晚晴籀詩匯卷二十三目錄

范文程 二首

鄂貌圖 四首

卞三元 三首

劉儀恕 一首

馬長春 一首

傅以漸 一首

魏裔介 六首

李霽 三首

魏象樞 八首

楊思聖 三十一首

朱之錫 一首

朱之弼 一首

傅維麟 二首

梁清寬 一首

梁清遠 二首

艾元徵 二首

石申 二首

劉鴻儒 一首

董篤行 二首

王無咎 一首

王天眷 一首

藍潤 一首

法若真 二首

王紫綬 七首

呂纘祖 一首

郜煥元 十六首

王伯勉 一首

蔡含靈 一首

竇遜奇 二首

趙賓 三首

高瑋 三首

蘇宏祖 一首

謝賓王 二首

李源 一首

李浹 三首

葉承宗 二首

李鴻勳 一首

王崇簡 四首

岳映斗 三首

梁化鳳 一首

劉元鎬 二首

李世恪 一首

程欲時 一首

卷二十三目錄

晚晴移詩匯卷二十三

徐世昌

范文程字憲斗號輝嶽漢軍旗人官至秘書院大學士

加太傅兼太子太師一等子爵諡文肅

詩話文肅翊運元勛開國規制公手定者居多為入
關後交臣之首明詩綜首列劉青田論人論詩皆足
弁冕一代公之勳望正與青田相伯仲詩無專集流
傳僅見永平府志載清風臺宴集二律清越高華猶
見名臣襟度雖吉光片羽用冠臺閣亦無愧焉

盧龍兵備使者張君總戎劉君郡守彭君司理任君

邑宰李君備游孤竹城置酒清風臺有作

讓國清風百世師陰陰松檜隱空祠黃農事業應無異山
水蕭森自不移石動鼉鼉分大壑城荒烏鵲下高枝接籬
同醉花間酒絕勝襄陽訪習池

孤竹城空隱夕陽山中笳鼓漫悠揚穿林閒聽松杉韻隔
嶺遙聞薇蕨香漆水波瀾交宛轉灤河島嶼自蒼茫登臨
賓佐多清興長嘯高臺明月光

鄂貌圖字麟閣一字遇堯滿洲旗人崇德辛巳舉人歷

官秘書院學士有北海集

詩話麟閣幼貧嘗爇馬通讀書尤好爲詩
舉鄉試第一滿洲文學之開實自公始入關後每從
軍中多行役之作
愚山漁洋皆稱之

九日滇府南樓

來登百尺樓舉目見梁州山峻環滇海雲低壓瘴流一生
常作客萬里共悲秋不有尊中酒難忘六詔愁

贈客憶鄉

萬國風塵際迢迢別雁行故園春草滿客署晚雲涼夢破

三更月花開兩地觴歸期無定日空感鬢邊霜

人日

禁城人日物華同百感何來逐曉風不解破愁還是酒誰
憐作客已成翁尊前綵勝煙塵外夢裏鄉園羽檄中獨坐
陽和舒嘯詠梅花紙帳夜鐙紅

楚澤凱旋和王郡守韻

辰陽十月菊叢芳策馬歸來自夜郎戰績共歌周召虎經
生猶識漢京房五溪浪靜梅將白二酉煙消酒半黃截罷
長鯨煙水闊好招鴻雁到瀟湘

卞三元字月華一字桂林漢軍旗人崇德辛巳舉人官

至雲貴總督有公餘詩草

早發隆德過六盤

客懷苦難昧歸心促郵程飾馬立檐下晨雞猶未鳴跨鞍
出郊埤征鞭不少停野犬隔村吠宿鴉繞樹驚隱隱雙林
側涓涓溪水聲登山不見月舉首已侵星蒼茫雲霧起良
久曙光生千峯拱翠壁萬壑入川平忽覺高天際已忘人
世情

隱者

獨有煙霞意難羈世外身閒看林際月漫埋手中綸叢桂
成招隱名山肯讓人逍遙吾自在泉石養天真

平涼有感

涇水秦山接混茫遙看四野靜邊防層雲旅雁橫秋月斷
嶺孤猿叫夜霜百里荆榛邊戍盡十年戎馬塞城荒殘郊
敗壘無人蹟燐火熒熒散北邙

劉儀恕字推庵涇陽人順治乙酉舉人歷官平陽知府

詩話推庵初牧武定善決獄有聲擢守平陽興水利戢土寇佐驛傳民懷其惠

秋暑

暑積秋仍酷高天大火流爭傳米價涌況值羽書稠露絕
蟬聲細雲空鳥影愁猶聞高會客終夜醉纏頭

馬長春字三如安邱人順治乙酉舉人有竹香齋集

秋日游沂山觀百丈崖瀑布

平明問客路澗道有餘清結侶仗輕策相將沿壑行行行
近水村處處叱牛聲山田高於屋牛在屋上耕岡巒相枕
帶峽口片雲橫渡峽風泠泠恍然如再生何物橫空下兩
岸不能爭驚波蕩峭壁澎湃勢難平坐人何媯媯石瀨水
迴縈水在山之嵐霏微移我情有僧煙際出渡水來相迎

莫漫言歸去少焉山月明

傅以漸字于磐號星巖聊城人順治丙戌一甲一名進

士授修撰官至武英殿大學士加少保兼太子太保

有貞固齋詩集

詩話星巖為開國首科第一人受孝陵知遇不十年即入政府清節雅懷弁冕當代著述皆燬於火盧雅雨輯山左詩鈔時求其遺詩僅得早朝一篇書翰亦罕流傳德州李星來源見可園中有星巖題青未了三字雅雨猶及見之

早朝詠鑪煙次同院韻

玉殿晨開靜羽旗遙看煙氣上彤墀微升寶鼎分行細直
接晴雲散縷遲旭日乍融光似篆曉風欲定靄成絲清芬
想像浮龍袞仗外干官望自知

魏裔介字石生別號貞庵又號崑林柏鄉人順治丙戌

進士官至太子太傅保和殿大學士兼吏部尚書諡

文毅有嶼舫詩集

詩話文毅風節侃侃論事鯁切與敏果時稱二魏其所陳多關國家大典嘗與梁蕉林論詩持貴真不貴偽之說以為詩之真者原本性情自出機杼不屑屑拮據剽竊為工偽者反是故性情正而天下之真詩出蕉林極難之

送王思齡歸合肥

長安有客思山桂掛席秋風潞河汭邊城一雁正高飛爽
氣澄霞雨新霽憶昨承恩衣繡衣太倉充溢鼠雀稀六軍
白粲滿區釜君王玉饌有光輝左省高資重廷闕特簡清
秩班卿月入告我后盡嘉謀退食委蛇無請謁江上雲山
夢裏來知君肝膽幾徘徊金樽滿酌不辭醉茫然清興使
人哀君不見八公仙去空山色濡須之水流不息功成方

明時卷之三十三
四
可拂衣去莫到淮南忘薊北

過傅掌雷太史曉園

自有滄洲意瀟然三徑清
藉花能醉客坐樹不妨鶯
著述淹風雨交游念死生
濁醪君不惜一晤一回醒

送友人白青玉歸

故園一片月相照
共生平儉歲無憂色
山田惟力耕牀頭
留舊釀世事盡浮名
余亦明年去閒看春草生

秋懷

秋雲冉冉暮庭草
惜青光雨氣留空翠
鴉聲落夕陽攤書
魚蠹老岸幘酒杯香
亦有竹林意何人是古狂

自安定門旋由水關南望德勝門述目所見

曉轡映朝暉人家野水村
樓殘遺堞立寺廢古鐘存
解凍

春雲漾呼鷹獵馬馴干戈息數載猶有哭聲吞

安定德勝城樓俱為

流寇焚尚未修復

和紀伯紫

鍾山醉老太平春自與雲霞道氣親三代尚存惟我輩百年獨步見斯人久居深巷絕華轂恥向侯門吐錦茵高隱從來思濟世慇懃屬我作良臣

李燾字景喬號坦園高陽人順治丙戌進士改庶吉士授編修官至保和殿大學士諡文勤有心遠堂詩集

續集

詩話文勤以相門子弱冠登第自釋褐至收卜止十二年南三十有四同時并研曲沃皆以尚書入閣而文勤獨自學士超拜實為異數其在相位凡二十年八年參豫機密削平禍亂風度峻整忠誠廉儉終始恩禮無間嘗於邸北關寄園朝退吟詠其中自號據梧居士有問業者講論不輟旁及歷象輿地百家之

言探蹟索隱雖
專家莫能難也

楓嶺

楓嶺與梨嶺南北相拱揖石脈固潛通蟠峙各獨立林木
互糾紛亂峯森巖巖其巔判閩浙風土隔邦邑躋崖俯絕
谷轉道僅微級凌空危橋滑東澗鳴溜急負擔盡游估攀
援如蟻集傷哉營微利走險詎夙習下見稻畦人驚客舉
蓑笠馳驚違所性邇迴增憂悒

舟發浦城

地形下東南灘溜如矢疾客行衝霧雨扁舟僅容膝鄰鄰
沙痕高齒齒石峯密礧礧中流鉅細狀非一狹逼驚濤
飛深沸漩渦溢舟楫巧行避簸盪神先恍篙工一失手勢
爭洪波汨蔚蒼崖卉稠奔激崖峯崒駭奇豫初覽煩促厭

縷述乘流怪浮生坎止私願畢

長夏閒居雜興

淡蕩羲皇卧英雄河朔杯斯人難復起古道日塵埃關捷
山多徑全生木不才兩端終易剖決策是歸來

魏象樞字環溪號庸齋晚稱寒松老人蔚州人順治丙

戌進士官至刑部尚書諡敏果有寒松堂集

詩話沈歸愚稱敏果爲本朝直臣第一薦舉必正人
彈劾必宵小清節冠世時稱尚書門第秀才家風詩
直抒胸臆不假雕琢

巡行過北平登孤竹堂望夷齊廟有感

孤竹何崔巍兩裔高千古仰止夢魂間有懷常欲吐安得
陟山巔瓣香頭一俯告我希聖心難濟蒼生苦凜凜對簡
書汗下渾如雨此行負朝廷愆尤何日補遙望乞神靈相

助驅豺虎灑水自無波澄清在畿輔

剝榆歌

黃沙日暮榆關路煙火盡絕泥塞戶路旁老翁攜穉兒手持短鐵剝榆樹我問剝榆何所爲老翁倚馬哽咽悲去歲死蝗前死寇數十村落無子遺蒼蒼不恤儂衰老獨留餘生伴荒草三日兩日乏再饑不剝榆皮那能飽榆皮療我饑那惜榆無衣我腹縱不果甯教我兒肥嗟呼此榆贍我父若子曰食其皮皮有幾今朝有榆且剝榆榆盡同來樹下死老翁說罷我心摧回視君門真萬里

贈喬文衣

數年驚宦海無日不高吟冰雪幽人氣琴書俠士心世情添白髮交誼冷黃金留客坐山月牀頭話古今

哭魏昭華先生

昔年乍去身猶健，昨夜空傷萬里魂。
海上鱷魚驕白日，庭前鵬鳥下黃昏。
遺書暗灑孤臣血，垂死仍銜故國恩。
最是聖朝容直諫，許君骸骨葬平原。

李恆嶽妻兄自蔚來訪喜而贈之

握手東莊一載餘，勞君遠過旅人居。
晚年難得同心侶，夜話如看太古書。
顧我廉名承義重，於今言路報恩疏。
祇應早晚歸休去，莫累高賢更拮据。

丁巳元日侍班候駕雪中口占

骨瘦筋衰六十翁，班行猶自綴羣公。
無才祇覺君恩重，揣分安能國計充。
民力艱難愁鬢裏，天心仁愛雪花中。
朝家自有真劉晏，早濟三軍奏捷功。

送湯荆峴學士巡撫下江

秀才任天下仁者體萬物物逸而我勞分內不遑惜昔日
侍講筵天子重經術今日守封疆帝心特簡出江南風甚
囂江南民甚絀維風道先倡愛民蠹先黜吾性秉真剛無
欲誰能屈但得百姓歡安問權要佛余也愧衰殘十弊口
難述臨歧贈一言懷抱慎憂鬱

十月二日出都承諸公郊餞

去國心難却徘徊馬首遲真逢宵旰主况際太平時老病
天應鑒行藏世不疑二疏干載盛薄劣又重追

楊思聖字猶龍號雪樵鉅鹿人順治丙戌進士歷官四
川左布政使有且亭詩

詩話猶龍與永年申梟盟雞澤殷伯巖同以詩鳴河
朔間人品高潔雖歷仕中外無一日不思歸隱讀其

詩可以知之。鳧盟言其少無宦情舉榮名富貴俗所
營營者皆不屑而志在山水朋友詩文間蓋在當時
其名最著石生環溪夏峯青主皆慕與之交然其詩
似不敏鳧盟石生敘其集稱爲子美復生不免溢美
至謂其人品卓絕無
一點塵庶幾近之

寒夜

冬夜淒以長寂寞絕人境涼月薄帷幕荒庭交樹影寥寥
寒柝鳴熊熊孤劍冷擁被不成眠森沈萬慮永早歲乏深
智凌厲思一騁遂爲世網牽甘心逐蛙黽人生不百年哀
樂在所領貧賤各有適豈必勒鐘鼎愁來憶古人見機苦
不猛含恨當語誰淚下如修綆

卒歲感述

我有長恨端迫此歲暮情朔風吹庭樹寒日照柴荆起坐
仰天歎歸鳥飛且鳴吾生胡不達獨爲世網攬

聯珠卷言四卷二十三
六
冉冉冬日暮積雪耀林端負疴卧虛室慨然念微官家貧
祿復薄妻孥常苦寒况乏濟時略終當歸林巒奈何日微
逐索米老長安

出門何所適落日見西山回回寸心違逢人多厚顏三五
誰家兒傳呼大道間貂裘控驄馬嚼齧黃金環出入尙書
第可望不可攀引領長太息歸來獨閉關

天運有代謝富貴易汨沒鄙哉何者翁專欲事虛喝我聞
至人訓真樂在寂寞腐鼠良可擲榮名焉足託

酬紀伯紫卽送其之晉陽

大江勢浩浩南北錯輿輪往往異人出結交在一言我家
漳水涯子居白下門素心各有托意氣自孤騫相逢長安
陌雙眼望朝暉長安多王侯第宅若雲屯綺筵羅珍食朱

纓馳華軒賓從紛還沓附勢如灼薰靜交有吾徒冥然絕
世喧不就唐生決肯借金張援時時顧蓬徑樽酒共討論
落日登高臺慷慨天爲昏擊筑聲淚下重招烈士魂忽整
晉陽駕貽詩重璵璠以儷魏給事無乃非其倫感君安所
贈此意貴永敦

送彭燕文旋里兼訊顧偉南

光熹之際龍在野人文往往歸復社當時陳徐最知名短
衣破帽子尙在流落誰悲失志人去歲上策復不遇憐才
難買千金賦狂歌日沾燕市醪痛哭屢弔昭王墓愛我時
時肯一過酒闌擊劍客顏酖人生感激爲知己抒心寫意
豈有他送子七月涼風早蓴菜鱸魚秋正好到家爲問顧
偉南他日相逢漫草草

贈溫獻之

相逢涕淚且停揮
城闕蕭條夢裏微
唯有青山常不改
月明時見鷓鴣飛

示離指和尚

鐘動黃昏山寺秋
白雲紅樹隱沙洲
老僧閒坐心無事
獨對門前江水流

便道過里

歸客慚司馬
曾無四壁留殘書
遺鼠嚙野稼
任人收狂益
親知怪貧添
兒女憂那堪行
又別明日是長遊

寄申鳧盟

愁思風雨夕
忽漫十年過
曾否狂如舊
將無鬢已皤
君才豈濩落
吾意亦煙蘿
出處誰能識
悲哉兩地歌

喜申鳧盟至都門

意外勞相訪秋風人正閒喜深無一語驚定始開顏欸欸
悲霜鬢遲遲話故山長安非昔日莫畏鶴書還
不堪今夕會重憶亂離初人老干戈裏交存生死餘山川
幾命駕涕淚共裁書十載還耕約相看愧鬢疏
望極燕山暮相逢感泣多人間遺玉椀故物指銅駝恨血
千年碧龍池永夜波雄圖今已矣尙有酒徒過

秋遲有懷

秋城餘返照霜色淡遙峯落葉空齋掩蕭條聞暮鐘客情
隨宦減生事逐年慵兀坐遲今夕懷人何處逢

送申鳧盟并呈殷伯巖

幾月依燕寺蕭條客念歸送君懷往路昨日雪花飛薊北

連沙戍漳南老蕨薇寄言殷伯子招隱故心違

送郭裕九以言事謫歸

勿嗟今不用此去已承恩朝論歸吾黨危言託至尊風和
鄉路逼沙亂帝城昏宣室行應詔甯教老灌園

山信

歲序冬逾駛栖遲未得閒邊風吹碣石大雪滿燕關濁酒
堪扶老黃金豈駐顏年年山有信招隱幾時還

申鳧盟自燕中歸枉顧晉陽同周茂山喜賦

每共茂山子論交憶汝賢忽傳燕客信正及早春天沙塞
聽鶯渺官廚漉酒鮮相看俱老大珍重莫言還

送周茂山歸四明

不敢留君住知君有老親門前黃葉樹江上白頭人負米

休慚祿烹葵莫厭貧甲兵天地滿何處好爲鄰

誚夢

莫問升沈事空勞旅夢訛天心存倚伏吾道本蹉跎知己
青山在秋風故郡多歸來真不易消息定如何

遊百泉次韻

不謂風塵客相從到百泉山空疑作雨林密欲爲煙亂石
當樵路平流散渚田薄遊堪取醉好向水亭眠
夕山秋色暝潭底幻明霞白動干巖月紅垂兩岸花斷橋
通寺徑古木隱人家獨羨持竿叟清寒立釣槎

寄馬某史

憶別嵩山寺關河隔歲看歸應慙好友貧豈戀微官錦樹
巴江老梅花鐵里寒遂初猶可賦不敢賤漁竿

申臯盟書來爲我卜居廣平
豈是耽微祿余心獨爾知
全生謀隱拙多病寄書遲
蜀道頻相念鄰居近有期
風塵逋客久遮莫北山移

寄懷傅掌雷

憶在長安駕玉龍
曉園花竹日相從
醉沽蘭液居中酒
閒看慈仁寺裏松
別久將無傷老大
官狂依舊笑疏慵
只今絕域誰知己
好賦歸來卧碧峯

晚春卽事

花落閒庭春事闌
主人長日但加餐
竹間路好披雲入
窗裏山宜帶雨看
半篋殘書留過目
百年衰鬢罷彈冠
蕭條莫厭交遊冷
逆旅悠悠蜀道難

泛舟

湘簾雀舫木蘭橈蕩漾煙波看漸遙春水一江吹細浪青
山兩岸接平橋參差玉笛驚流響歛澹金尊欲上潮橫槩
船頭多意氣輕風催棹雨瀟瀟

題宮紫立春雨草堂

東掖傳經計已疎歸來爲築浣花居蒼山移石供支杖春
樹分陰照讀書竹外尋僧招野艇雨中留客摘園蔬荷衣
未製吾將老乘興何年共結廬

晚步松花泉亭

倚山新構夕陽亭石角寒流細欲冷習靜幾能聞素瀨探
幽誰爲補茶經荒崑啼鳥窺人立小徑蘆花隔水扃迤邐
閒來憑眺遠蒼煙深處是南屏

晤魏石生年丈

相見何禁感慨頻，應憐拙宦久風塵。身名肯使慙知己，尊酒重來對故人。里巷煙霞還似舊，長安花柳幾回新。迢迢又逐征軺發，敢擬高眠伴隱淪。

朱之錫字梅麓，義烏人。順治丙戌進士，改庶吉士，授編修。官至河道總督。乾隆庚子，追封助順永甯侯。

過七里灘

謝公詩境好到此，意超然。水外疑無地，山中小有天。櫂舟時罄折，出峽又規圓。七里容消遣，石尤風與便。

朱之弼字右君，大興人。順治丙戌進士，官至工部尚書。

詩話右君登第卽除給諫，游陟中丞，屢上封章，皆裨國是。及貳農部，河南彰德衛輝兩郡報災，大臣言上步禱天壇，甘霖大沛。兩郡何獨旱當覆，勘右君力爭，乃得賑恤，逮長冬，官又舉福建兵米徭役諸累民，悉奏罷之。以會推事見詰責，同列勸自明，右君曰：吾昨一歲四遷，不以無功辭，今甫一謫，卽以無過謫乎。

遂歸老
於家

聞吳桑叟學使輯匡廬志寄詩索之

聞道匡廬飛蓋時閒尋圖籍費周咨
亭臯細酌濂溪水石室親摹大禹碑
鮑謝清暉看振策白蘇逸韻羨摛辭
憐余素有煙霞癖展卷終期慰所思

傅維鱗字掌雷靈壽人順治丙戌進士改庶吉士授編

修官至工部尚書

詩話掌雷熟於明代文獻有所撰述詩造意寫像盡態極妍五言如疏林凝野色一雁叫離羣春色驕青燕和風散綠楊七言如林疏葉落千山雨寒重鐘沈萬槩風鶴下沙汀春欲老烏啼木葉夜初涼皆中晚唐佳句

過石仲生齋看竹

懶我曾多事栽松始出闌
憐君青眼共喜借綠筠看雨色

疑新翠山光割暮寒
隔離纔數武日得醉來觀

渡龍岡河

驅馬渡龍岡初晴波益長
雨多新草綠秋重遠林黃
城郭依沙岸人家帶夕陽
不須生別歎猶自在吾鄉

梁清寬字敷五正定人
順治丙戌進士官至吏部左侍

郎

睡起

睡起渾無賴窮愁百事闌
雲窺虛牖靜風入小窗寒
拙宦餘三徑浮名悔一官
早知農圃好長嘯向煙巒

梁清遠字葵石正定人
順治丙戌進士官至吏部侍郎

有祓園集

同蒼巖公白游城南

清流貫雲木水際有人家
頽徑侵芳草疏籬冒落花
天晴霞散影野靜雁依沙
景物看如此行吟日已斜

秋懷

渾渾斜日照金臺何處啼烏帶影來
太液亂流衣帶繞西山晚翠畫屏開
中原豺虎增郊壘四野歸鴻戀草萊
極目關河無限思漫歌五噫有餘哀

艾元徵字長人濟陽人順治丙戌進士
改庶吉士授檢討官至刑部尙書有退食槐聲留餘集

慶都道中卽事

堯母城荒秋氣高關山馬首敢言勞
金門止惜東方朔洛社誰爲左伯桃
詩滿奚囊憑漫滅蓬堆潘鬢任蕭騷
村人近水渾如畫應識軒車遜爾曹

和坦園相國小臺晴望

登臨聊爾策方筇
山色初開煙際容
爲愛晴嵐依弱柳
况聞幽梵發清鐘
春風正拂高低樹
凍雪遙連遠近峯
寒盡共瞻陽律轉
陳詩好與繪勞農

石申字仲生灤州人順治丙戌進士改庶吉士官至戶

部侍郎贈吏部尚書有寶笏堂遺集

八月二十六日西山暫歸

去去欲無還幽憂可駐顏
此生貪白業不死看青山
善友能相共浮雲且自閒
風塵燕市在留與鬢毛斑

秋日同芝麓諸公集黑窰廠分賦

車馬紛城闕尋秋此地偏
路深鐘響出臺古燒痕圓
老樹侵沙苑饑鷹獵歲田
與君期盡醉休問戰爭年

劉鴻儒字魯一遷安人順治丙戌進士官至左都御史

有四留堂集

詩話魯一亦除給練疏請頒賦制亂後民困賴以漸蘇他如定鹽法開海禁免逋賦諸疏皆有益於民

重游龍泉寺

溽暑鬱我懷攜朋尋高爽出城見南山幽况夙所賞龍泉
久神異風雨靈澤廣別來二十年老健喜重往密樹結層
陰峭壁當沆漭岢峩窳窳入薜蘿分披上躡翠陟其巔大
千指諸掌法王寶地尊霞光羅萬象景趣猶如昔理會頓
殊曩探無悟無極閱有謝有攘臨茲諸緣空耳目餘清響
留連恣遐矚浩浩神氣朗桃源勿勞思舍此將焉訪
董篤行字天則洛陽人順治丙戌進士改庶吉士官至

都察院左副都御史

雲溪觀

閒坐瀝水旁正對龍門口三井透天光森若列星斗鐘磬
響錚鏗曉日半在柳深洞鎖寂寥丹砂煉已久嶺上多閒
雲時與白鶴偶舉世重黃金難易仙人守仙人去不還空
餘麋鹿友

王無咎字藉茅孟津人順治丙戌進士改庶吉士授編

修歷官太常寺卿有峭嶸山房詩集

詩話藉茅爲文安仲子陳泉浙江分藩安慶雪冤剔
蠹皆有能聲孝友任恤建義學豁浮糧功尤在桑梓

憶洛

蒼蒼雲樹滿關河百戰中原涕淚多伊闕時通春草夢平
湖乍聽采菱歌天心厭亂亡熒惑人意還家眷薜蘿八月
潮來江海動孤舟高卧有漁蓑

王天眷字龍錫號魯源濟甯人順治丙戌進士由行人
官至工部侍郎有夢吟集

送宋荔裳按察蜀中

法星遙指錦江隈
路入蠶叢鳥道回
萬里橋邊春駐馬
百花潭上夜銜杯
干戈未久纔生聚
井里雖存尙草萊
自是隨車多化雨
三巴父老望噓培

藍潤初名滋字鳧渚卽墨人順治丙戌進士改庶吉士
授編修歷官湖廣布政使有聿修堂集

草堂落成

新闢茅堂桑柘村
二勞山色落柴門
莓苔滿徑封塵跡
薜綠牆補漏痕
花底營巢來燕子
林根解籜長龍孫
三間屋外饒餘地
自織青蓑學種園

法若真字漢儒號黃石一號黃山膠州人順治丙戌進

士改庶吉士授編修歷官江南布政使康熙己未舉

博學鴻詞有黃山詩留

詩話黃石以諸生通五經薦與會試遂登第官至監
司貧如寒素晚以鴻博徵稱疾不赴試想見高致工
書畫山水蒼潤澹逸超然塵瑩之外詩篇繁富稱意而言不計工拙

寄破塵道士

桃源風雪斷不得送鷺來玉趾留丹竈金繩換酒杯山空

雛鶴宿潭隱老龍開新種松干晦商量去鏡臺鏡臺山名在膠州東

諸城黃來公過訪談地理

得君說破紫囊筮玉斧長揮劈野禪自是清談歸杖度非

關讀畫到龍眠叢峯石色擎珠蕊大海潮聲亂鐵泉不識

山川調藥譜一天風雨護超然超然臺在諸城

王紫綬字金章號蓼航祥符人順治丙戌進士改庶吉

士歷官浙江督糧道布政司參政有咫尺堂詩集

詩話蓼航內行修篤明季李自成決河灌城蓼航入水拯其母抱木浮出移家居輝縣幼師老儒劉文奇家亦沒於水爲置田舍蘇門山中養終其身沒爲詩以弔有句曰門無司馬求書使室有黔婁正被婁漁洋亟稱之

送李霖九時由鳳翔少參謫漢中

紗籠詩句壁曾留滿日蒼涼感舊游
函谷主人關令尹扶風屬吏漢諸侯
蓮花雲黑三秦雨棧道霜紅萬木秋
夢裏不知君去遠更隨明月到梁州

酬張元公中丞自秦撫移豫見懷

八郡諸侯百二同秦中纔罷又天中
河流猶帶東西陝雲氣忽來大小嵩
梁苑樓臺新挂月隋隄楊柳細搖風
信陵

食客多如許座左猶云待老翁

登嵩嶽絕頂

獨倚中天覽大荒西來秋色更蒼蒼日翻木葉紅千頃雨
過芙蓉翠幾行玉女寒櫺惟皎月漢皇輦路滿清霜回看
磴道深無際轉欲凌風渡鐵梁

喜孫徵君復歸夏峯

月出夏峯空風高喬木冷夜來雪色多門外添人影
白雲不在山松頂一巢開昨夜海風至翩翩帶鶴還

舊宮人

舊日常隨玉輦游朝鐘暮管夜篴篥閒來細語繁華事不
盡神宗四十年

景陽宮井出雲鬟秦帝衣裳捲不還碧玉搔頭鐫賜字朝

來易米到人間

呂纘祖字峻發號修祉滄州人順治丙戌一甲二名進士授編修歷官宏文院侍講學士

過僧舍

林端梵影插秋天正在長流夾岸邊散步莫疑因病酒偶來非是爲逃禪塵門不禁貧人履僧榻偏酣高士眠檐際松風波底月久忘身世隔塵煙

邵煥元字凌玉號雪嵐長垣人順治丙戌進士歷官湖

廣提學道按察使僉事有猗園存笥稿

詩話凌玉爲提學最有聲年三十餘卽告歸養親栽花蒔竹游秦晉齊魯大梁吳越以詩名燕趙間與鄧州彭而述益都趙進美萊陽宋琬遵化周體觀永年申涵光陽武趙賓號江北七才子所爲詩清夷颯爽律體尤不失唐人格調

魏雍伯招遊鹿泉諸勝

跨馬出西郊倦眼豁疏放遠景帶日斜清游恣元暢秋氣
下蒼崑空翠殆難狀同行得佳侶泉石激微尙行看巖岫
舒坐愛流澗漾瞻眺韓侯祠英風颯甲仗剝蘚讀殘碑寄
興忽悲壯迴望羽人居丹栱絕壁上虛洞有雲封老樹爲
之障急雨溜層巔攀煙遵複嶂初尋驚奧奇逕轉得平曠
中有龍象藏丹碧鬱相望微步愜幽尋陰洞何年創嵌空
入杳窅白日劃光亮造化鍾靈異神工非意匠纍纍號連
珠透闢絕依傍冰雪冷然入披襟爲神王空亭延翠蔭日
暮欣跌宕生平邱壑心對此樹高貺願得休糧居乘風采
澗沆

走筆別程伯建

前年別城之隈今年別江之嶺黃鵠高騫野鶩翔蒼龍晝
立瘦蛟舞沙洲煙草綠茫茫樓笠泥鞋九日雨歐長卿李
雲田偕子同來送別船別船日暮芙蓉老滿酌清醑問秋
昊相逢意氣感鬚眉二子不言子更悲昨日上書不見收
低頭幕府終何爲聞君杖策向長安水落桑乾木葉寒黃
金誰薦中涓馬易水空憐壯士冠君不見郎官湖上李白
游至今魂魄尙堪留又不見蓬荆深沒楚王臺陰雨啾啾
鬼夜哀登祝融望吳越我欲扶筇鼓枻上八萬之天台探
千年之禹穴安能俛仰隨世網犧牛文身入廟遭羈紲

夏人叔從禹峯先生爲湖南之游

之子湖南去扁舟意若何白雲衡嶽滿青草洞庭多幕府
裁鏡曲遷人依棹歌只愁揚子宅蚤暮少經過

草檄真能事從軍亦壯游况逢漢陸賈同註晉陽秋雨慢
臨湘浦風帆近岳樓賴君傳古蹟賦壓楚江頭

送姜鐵夫南歸

白首家無定青山爾又歸京華詞客賤秋雨故人稀鐘動
催霜葉潮平載夕暉鑑湖南月好爲我選漁磯

申鳧盟見訪

自枉高人駕悠然淡旅情狂真疏禮法老益厭詩名萬樹
霜前色連礧苑外聲鄉心劇歲晚遲我碧山耕

訪趙錦帆於報國寺解官南歸悵然有懷

白首官仍謫黃河客竟還春明無故舊秋色冷鄉關葉落
松房定風吹海月閒蘇門歸倘遂同釣碧溪灣

晤張海旭

尙記南奔日艱危借一舟孤帆淮浦月百戰島門秋身世
還青眼山河竟白頭草堂尊酒在萬里慰離憂

寄遯山子

別後俱多難歸來獨可憐興吟吳苑草淚盡郢門煙萬事
還鄉井孤身歷歲年白頭新賦草零落竟誰傳

江上逢黃坤五太史

白髮承明舊侍臣天涯淪落晚堪親篋中歲月存詩史世
外江湖有釣緡往事傷心辭落日他鄉垂老避秦人開元
朝士君仍在聽到宮詞淚滿巾

赴東壑遙望五龍雪色

徑行初日千峯上俯瞰蒼煙一郡西朔塞天連三晉險晴
空雪壓五龍低山腰拾級樵爭入樹杪盤雲鳥亂啼萬壑

東坡全集卷之二十三
鄉園吾獨往嶺猿溪月待幽棲

贈彭禹峯先生

揚舡五月下蠻方醉踏江樓草色長公子椒蘭新七澤將
軍裘帶舊三湘君從絳幄論前輩我向青雲認父行萬里
長纓須蚤繫漢家將相本南陽

贈李將軍戍楚

鐵衣十載臨戎日尙憶圍城轉戰功射虎未聞封李廣雕
蟲猶復困揚雄千羣代馬悲笳裏獨戍江湖險塞中氛祲
扶桑憂不細捷書蚤寄楚天鴻

王幼輿以近詩見貽卽有禹州之游作此奉送兼致

懷兵使沈繹堂

閒門盡日補煙蘿竹裏逢君有嘯歌一卷詩纔傳白雪三

春客又渡黃河風歸禹甸山川麗路入梁園詞賦多好問
故人東郡長樓中八詠定如何

過順德有懷滄溟先生

中原二子盛當時歷下文章晚更奇識得峨眉天半意黃
榆高處自題詩

領袖宗徐氣尙驕秋生郡閣雁蕭蕭文章未老山河在詞
客英靈正可招

王伯勉字子建號東皋湯陰人順治丙戌進士授吏部
主事歷官山東道監察御史

詩話東皋初掌選事一羊裘十年毛盡落嘗語人曰
岳忠武吾縣人文官不愛錢武官不惜死吾終身誦
之又曰不愆不忘率由舊
章作吏部當確守此二語

游香山寺

晚晴集詩圖卷二十三
三
落日滿香山禪門倍覺閒蓮花疑海上法雨渺雲間修竹
森丹觀流泉匯碧灣上方鐘欲靜塵慮一時刪

蔡含靈字子虛甯晉人順治丙戌進士歷官河南睢成
道僉事

寓齋晚坐

自笑懶成癖一官今又閒客疏安用避門靜不須關睡穩
高吟後涼生落照間曠遐誠有分莫強論時艱

竇遴奇字德邁號松濤大名人順治丙戌進士歷官江

南徽甯廣道有倚雉堂集

孫夏峯曰松濤宦游不廢吟詠恬退田里益肆力風雅寄情託志往往在動名富貴之外

雜興

韞鷹具利爪攫物厲秋風使不逢狐兔亦與凡鳥同丈夫

當無事何以異凡庸邊徼忽多故環甲效從戎靈鵲化金
印旗纛建交龍銘勳膺上賞晉爵列侯封平時論豪傑管
樂亦無功

仙人

瑤臺十二玉闌干夜半天階下紫鸞說是仙人君不信空
留秋色滿山寒

趙賓字錦帆陽武人順治丙戌進士官刑部主事有學
易庵詩集

後雜興

日月經天上光景常新鮮人生一世內形狀倏變遷幾日
紅顏子鷄皮雪盈巔所以苦志士決計在深山採藥祛諸
病服食學神仙神仙豈易得無恙盡天年

散行閱畦蔓一葉藏一瓜蕊而不實者滿目炫黃花方悟
古至人不苟露英華隆中抱膝客棘津賣漿家

寄懷蘇生紫

十載天涯鬢各蒼銅鞮碣石兩茫茫關山不隔懷人夢夜
逐東風度太行

高瑋字握之號繩東淄川人順治丙戌進士官河間推

官有留耕堂詩稟南游草

詩話繩東舉崇禎己卯鄉試第一人馮文毅第二孫
文定與念東侍郎名相次時號得人繩東成進士後
授河間推官未幾即罷去自放於酒漁
洋爲表墓稱其友愛任卹內行甚備

和四弟寄龍膺韻

興盡其如返棹何牽衣暫乞罷耕蓑一瓢春酒孤懷壯萬
里青山放眼多岸幘且吟豪士賦隔牆初奏雪兒歌風光

如此不成醉辜負新條挂薜蘿

過村居和五弟韻

平橋斜繞小亭西久不來游路欲迷
泛水落花隨石轉衝人燕子到簾低
酒嫌市釀開鄰甕壁拂塵封覓舊題
暝色催歸留不得莫嗔枝外子規啼

題瞻明壁

曲曲溪流處處花綠楊影裏有人家
誰能載酒聽春雨共踏平橋一道斜

蘇宏祖字恪甫湯陰人順治丙戌進士官和順知縣有

敦樸堂詩集

詩話恪甫宰和順遇姜瓖之亂被圍七閱月晝夜登
陴城賴以全集有守城時作句云陣雲夜黑嚴刁斗
晝羽霜明獵旆旌足以見其整暇

定州道上

潦倒書生興已闌，何緣好夢到漁竿。
冲霄豈是羽毛滿，曳尾曾經道路難。
侯骨自知非李廣，缺唇今竟補方干。
入官先效蠻娘舞，舊樣時人不喜看。

謝賓王字起東臨淄人順治丙戌進士官南康推官有

蘭雪堂集

過安慶懷黎天錫

埤垓秋深落木空，十年重聽皖江鴻。
潮聲暝接千峯雨，塔頂高盤萬里風。
吳楚上游新組練，中原落日舊朦朧。
欲商尊酒同心遠，惆悵龍門意未窮。

南昌遇趙憲副韞退

青山小隊擁綸巾，華髮論兵待從臣。
十載疏傳明主納，天

涯宦似故人貧秋鐙鄉語聽鴻久行幄人過問字頻莫望
長安多躑躅鄒枚幾見畫麒麟

李源字江餘號星來德州人順治丙戌進士官河津知
縣有見可園集

夏夜

夜月清如洗冰心託玉壺竹君千个在石丈一峯孤獨酌
開青眼微吟撚白鬚故人書昨至遠道憶吾徒

李浹字霖瞻號陶州德州人順治丙戌進士官芮城知
縣有陶庵集

夏日雜言

長夏做幽軒開窗依蘿樾燕寢樂虛明房廊步曲折松響
風初來雲歸雨乍歇仰視天宇清林暝山吐月月色孤冷

冷素心託高潔
久雨逢戍晴戍日雨不止
晻晻陰晦凝四野連蓄水秀穎
等浮萍登場禾生耳爰軫昏墊情醫瘡從茲起天行豈不
若難參元化埋怨咨念小人思艱望君子

天津

津門連渤海曲折抱長安
食貨喧商市魚鹽亂釣灘
鼉鳴潮信早龍過雨聲寒
潑刺銀刀重庖人進膾盤

葉承宗字奕繩號樂湄
歷城人順治丙戌進士官臨川
知縣殉難有樂函

詩話樂湄本貫麗水裔出文莊末第時閉門讀書雅
擅文譽遷社郢社皆推爲主盟及幸臨川值金聲桓
王得仁之亂被執
不屈自經以殉

彭南溟遷樂上

彭生閩閩子兼之湖海士意氣薄雲霄神情在山水貌物
如有神不獨得其似四壁雖蕭然恥以丹青市自子初臨
泉上游香毫冉冉畫寒流葉郎大笑向人說灤水新來顧
虎頭

趙埠口

長隄密柳板橋連紅蓼花中繫釣船漁父狂歌歸酒市高
竿挂網夕陽邊

李鴻勳字勤王號長六磁州人順治丙戌進士官陽城
知縣

過先賢閔子騫故里

數十間茅屋人傳閔子家秋風吹不斷滿地有蘆花

王崇簡字敬哉宛平人明崇禎癸未進士順治丙戌補

選內國史院庶吉士官至禮部尚書諡文貞有青箱

堂詩集

詩話文貞官國史院學士時子文靖亦除宏文院學士世祖以父子同列特命擢文貞吏部侍郎世以爲榮遇時方開國郊廟之制多爲文貞所定詩敦穆澹永不屑屑規摹古人直行胸臆蕭然自遠

舒章至

經歲猶然識淚痕幽懷相向各聲吞惟餘悲感心多愧無復歡娛事可言勳業漫期新竹帛風塵可有舊桃源天涯兄弟傷搖落把臂如君今幾存

寄懷梁公狄內弟流寓寶應

念子年來多病侵魚潛鴻杳信沉沉奔騰昔日天涯淚彫落餘生歲晚心萬里風塵雙鬢短他鄉客夢一鐙深何時攜手滄溟去瓢笠瀟瀟上翠岑

寄贈申鳧盟

秣陵雲擾後寤寐憶君多吾道存薇蕨風塵亂薜蘿遐心
棲大麓清夢越漳河何日偕瓢笠幽崑聽浩歌

雜懷

疏籬松影拂前除閉徑常迴長者車適意漫勞康樂屐忘
名不著子雲書歲時花月頻沾酒風雨黃昏獨掩廬最喜
詩懷殊健逸閒吟應可傲樵漁

岳映斗字匡六三原人明崇禎癸未進士順治丙戌補
選庶吉士有瓠園詩集

詩話順治丙戌以前癸未進士補選庶吉士者凡七人
王敬哉尚書居首而匡六殿焉其五人者長垣杜芳
甯陽周愛訪嘉祥張不吉遂平魏天賞解州喬庭桂
皆無所表見匡六散館後遷除亦無從考證詩命題
撰句力求新異殆
猶是竟陵遺派

失衛

憶昔經離亂以之寄死生星飛汾水絕電逸太行平委曲
逢人意艱辛只自明一朝青櫪下風雪悵無情

抑搔

玉繩宵且盡崑岫月將張古木紅雲曙新灘碧浪高下除
尋拄杖穿徑棘圍禱暫取雞翁意聊寬此抑搔

十畝

閒閒十畝桔槔顛火映荒籬倦鳥還畦碧偶驚秋水至人
稀疑數曉星懸癘狂骨性由來有放浪乾坤此地偏咫尺
玉泉登頓少鏡中煙雨海天連

梁化鳳字狝霄號澧源長安人順治丙戌武進士官至
江南提督封三等男諡敏壯

明史紀事本末卷之二十三

三

詩話順治己亥鄭延平舟師內犯攻金陵甚急敏壯時官蘇松總兵以三千人赴援力戰解圍延平敗退復攻崇明敏壯還師與戰再破之以武功著而平時頗尚風雅與士大夫相酬酢嘗詠菊每種爲題詩旨靜婉不遽作銅

夜雪

六出寒花雲外飄
天宮錯落撒瓊瑤
羣鴉亂噪籠煙樹
孤鶴頻驚帶月潮
茅屋一時成玉宇
曲蹊忽轉起銀橋
圍爐共酌金壘酒
獨惜山中有采樵

劉元鎬字西京號硯北南昌人順治丙戌舉人官南甯推官有蛻庵集

商邱道中

行藏真造次
南北道空長
萬里今歧路
千家古戰場
青燐照落日
白骨伴垂楊
殘角孤城外
鄉心正渺茫

南關山行

九折甯爲險驅車萬疊深
虎泉拋石眼鳥路入雲心
日冷林長夕風驕壑易陰
商山名利道奔擲到如今

李世恪字共人江陵人順治丙戌舉人官鳳陽推官有
謀笑軒詩

季春偕諸子散步三鴉寺

風雨連三月春光強半差
量晴呼好友衝溼趁桃花
紅斷鐘聲接煙深鳥路斜
林香吹未歇機息欲忘家

程欲時字聲子號愚谷天門人順治丙戌舉人官南豐
知縣有嘉禾堂扶柳堂諸集

別曾恂如

何忍遽言別離情自此深
澗花偏暗淡林鳥漫沈吟
一夕

山川夢十年風雨心明朝西去路遙指隔高岑

晚晴籀詩匯卷二十三終

取明宋言圖卷二十三

[Faint vertical columns of text, likely bleed-through from the reverse side of the page. The characters are largely illegible due to fading.]

晚晴簃詩匯卷二十四目錄

宋琬 六十首

李之芳 一首

馮溥 九首

黃機 二首

王熙 三首

郝維訥 一首

任克溥 一首

李敬 十首

宋徵輿 六首

谷應泰 三首

季開生 七首

季振宜 四首

蔣超 三首

葉封 十一首

任文華 一首

李昌垣 一首

孫宗彝 三首

張九徵 三首

杜濼 六首

馬鳴蕭 二首

劉璽 三首

繆慧遠 三首

晚晴簃詩匯卷二十四

徐世昌

宋琬字玉叔號荔裳萊陽人順治丁亥進士戶部主事

歷官四川按察使有安雅堂集及未刻稟入蜀集

吳梅村曰玉叔天才雋上接聞父兄典訓胚胎前光
攻嗜文學盛年值際興運結綬登朝羽儀京國不可
謂不遭時也而仍見蹇踳用誣浮繫於理凡浹月而
獲滿祿還官郎署出調外省其才情雋麗格合聲諧
明豔如華溫潤如璧而撫時觸事類多淒清激宕之
調又如秋隼盤空嶺猿啼夜境事既極亦復不盤於
和平庶幾乎備文質而兼雅怨者王阮亭曰康熙
以來詩人無出南施北宋之右荔裳詩頗擬放翁五
言古歌行時闕杜韓之與王子春在京師求余定其
詩筆為三十卷其秋與余先後入蜀明年入覲蜀亂
妻孥皆寄成都旋歿京邸
此集不知流落何地矣
詩話康熙初傳刻燕臺七子詩荔裳與愚山稱最因
有南施北宋之日海內推之無異辭愚山詩樸秀深
厚味之彌永荔裳則融才情於騷怨音節動人託體
不同要皆原本性情力追正雅此其所以並為大家

也安雅堂集乃在浙時所編漁洋所定全集已佚未刻彙出於後人搜輯附入蜀詩一卷乃晚作雄健別開一境漁洋所謂直闕杜韓者於此見之

送別俞眉仙歸新安

古人為吏惜折腰今人為吏愁吹毛渭城小邑大如掌百
家殺盡十家逃俞侯年少專城居渭人始得歸田廬郭外
行春策病馬壁間退食懸枯魚一朝微中考功法拙宦違
時乃承乏妻兒驢背坐復跌擔囊但有琴書壓君家舊在
黃山曲武谿干轉清如玉拂衣長嘯山水間回首風塵真
僕僕五柳門前菊欲黃布帆高掛蒹葭蒼歸去來兮倘相
憶隴雁飛時書數行

釣臺圖歌贈馬蘭臺山人

九峻山人聊玩世伏波將軍之苗裔家在漢陂紫閣間孤

情獨與煙霞契，彈箏叩缶本秦聲。裂芟爲衣皆楚製，儒冠
誤人幾半生。秋風屢雪劉蕢涕，長焚筆硯事丹青。潑墨吮
毫稱絕藝，橫皴酷似黃大癡。細染還宗吳仲圭，近代以來
數文沈嘉隆。而後作者誰，山人工意不工似。匠心自出無
專師，盧龍山水頗不惡。韓家釣臺尤最奇，一峯高入白雲
裏。登樓坐見海滄湄，游人欲繪每束手。譬如寫照難鬚眉，
一日坐我悠然堂。解衣礪礪無人窺，須臾圖成掛諸壁。高
巖邃谷光參差，灑澹旋渦漁艇立。窈冥洞口煙蘿垂，主人
韓生有狂癖。此臺自爾高，曾貽見圖再拜悲。且喜重之不
啻商尊彝，便買貞珉勒山側。酌酒欲告山靈知，山人此別
欲何往。贈汝一枝筇竹杖，避世宜從麋鹿羣。結廬高卧仙
人掌，甯恤牀頭妻子飢。要令胸中邱壑長，我今持節越王

城蘭渚剡溪恣偃仰預拂霜綃以待君一揮欲使羣山響
記取雪深一丈時山人須鼓山陰槩

送東雲雛孝廉

羨爾能高卧蓮華峯下居青袍雙鬢老黃葉二陵疎已著
潛夫論還陳災異書故人京洛徧問訊近何如

寄懷胡蒼恒憲副

壯志堪乘障浮名悔入關人疑龍性傲官似馬曹閒板屋
青羌俗柴扉紫邏山邊城須衛霍未許拂衣還

清水道中

隴阪高無極清秋望更賒石林千疊水板屋幾人家古驛
羊酥飯空山燕麥花停驂問耆舊井稅說頻加

發鳩茲陳伯璣欲偕至維揚弗果次采石爲別

纔買蒲帆指秣陵青山此日興堪乘
飢來自笑空倉雀歸去真如脫鞴鷹
荻岸風多搖鷺影江潮夜落見漁燈
蕪城八月枚生筆欲起觀濤病未能

劉越石聞雞處

衰柳平沙古渡村傳聞此地舞劉琨
鞭惟祖逖能先著客有盧諶感舊恩
江左衣冠空北顧古來天地此中原
雞聲依舊清霜曉招得并州萬里魂

銅雀臺

三臺縹緲鬱相望俯眺中原接太行
鳳觜香殘歌舞散魚鱗瓦冷館池荒
漆鐙詎有千年焰總帳空施八尺牀
何似金人汾水上茂陵風雨泣劉郎

登西嶽廟萬壽閣

崔巍傑閣玉爲寮白帝離宮倚絳霄檻外河山三輔小巖
前觴豆百靈朝明星環珮雲來溼仙掌芙蓉雨欲搖會御
長風凌絕嘯青鸞背上夜吹簫

登華嶽作

獨上鉤梯覽大荒秦關終古氣蒼蒼天開閭闔纔尋尺地
界雖梁入渺茫五粒松搖羣帝珮三漿露挹百神觴仙人
方罍青冥上更欲凌風度石梁
松風謾謾步虛聲策杖高尋衛叔卿星近祠壇光欲墮月
臨仙掌夜偏明扶桑萬里天雞曙箭括三更石馬鳴誰信
揚雄擅詞賦不將綵筆記層城

鸚鵡

雕籠萬里託征鞍辛苦何辭行路難幽閣恰添嬌女伴方

音猶作部民看且分薄俸供秔稻莫遣春風瘁羽翰流水
隴頭相憶否朔雲邊月不勝寒

庚寅獄中感懷

商飈涼勁秋昊天降霜露采采孤葵根展轉愁其足幽蘭
在庭柯馨香莫能蠹君子諒不惜零落傷中路庶事多賢
理人生信所遇俛仰終古間誰知龍與蠖

夸夫競權勢志士懷榮名殺身非一端天道常患盈湯湯
桐柏水有時濁且清羲和無停策日月東西征自非空桑
子豈不念所生宛彼鳴鳩詩悽惻涕沾纓

中夜聊假寐飢颺嚙我耳擁褐步檐櫺衆星粲可指中有
琴鼓聲清商激綠水哀絃隨悲風曲終忽變徵茲音久不
作勿乃鄒陽子沈憂蕩精魂欲訴誰爲理

僕夫橐餽粥投筯誰能餐徒隸向我語廟室西南端往者
楊左輩頸血於此丹恍惚陰雨時絳節翳飛鸞再拜招其
魂毅氣不可干嗟余亦何爲喟然傷肺肝

挂劍臺

延陵季札賢公子腰下芙蓉淬秋水一片心期不忍寒蕭
蕭隴樹虹霓紫歷聘諸侯未反命魚腸割及王僚死躬耕
三讓宗家法吳邦不受輕如屣當時列辟尙權謀劍客縱
橫仁義否君臣父子競相居谷風之刺徒爲耳公子深憂
在萬古聊因死友扶人紀縞紵非無肝與僑千金獨向徐
君委竭來酌酒想遺風荒臺半圯埋寒叢麒麟寂寞一杯
土誰其樹之松柏桐人言墓草似干將轆轤鐔鼻將無同
三十年來不復甲枯根或化爲蛟龍水湯湯兮風烈烈篝

火黃昏讀殘碣金石有時銷此誼長不滅君不見交態紛
紛等阡陌任昉門前無弔客

贈鄭汝器歌

近代八分復何有專家獨讓莆田叟

莆田宋莊善八分書

作者紛紛

祖唐隸臃腫支離轉麤醜鄭君博物饒天姿書法遒勁多
離奇老筆縱橫森劍戟尺幅光怪盤蛟螭大書徑尺懸鼻
廩髣髴再見嶧山碑家藏圖書半秦漢陳倉石鼓宣王詩
峒嶠傳疑夏王禹之杲篆刻丞相斯縹緗卷帙各精好巖
搜壑剔將無遺我來焚香肆展閱神游三代觀鼎彝主人
愛客出斗酒高齋日午桐陰移况復髯兄善豪飲醉揮三
百金屈卮君從壁上觀人醉獨踞匡牀作奇字潑墨淋漓
四座驚咫尺蒼茫風雨至昔我持節隴首經磨洗中郎郝

閣銘會將什襲稱雙絕置向浮嵐暖翠亭

余家藏黃大癡山水曰浮嵐暖

翠圖因以名亭

竹罌草堂歌

膠城朱松鄰白門濮仲謙皆以竹器擅名

君不見練川朱生稱絕能昆刀善刻琅玕青仙翁對奕辨
毫髮美人徒倚何娉婷石壁巉巖入煙霧澗水松風似可
聽鏤玉雕犀安足誇玻瓈可碎犧樽腥白門濮生亦其亞
大朴不斲開新硯虬鬚削盡見龍蛻輪囷蟠屈鴟夷形匠
心奇創古無有區區荷鍤羞劉伶妙製流傳真者少何侯
得之為異寶大書深刻作堂額客至登堂多不曉我來問
名請縱觀錦笥纔開稱絕倒黃侔蒸栗纈且堅潤比瓊琚
兼肉好何侯啖我燒羊胛華髮臨風除白帽階列唐昌觀
裏花欄餘甫里先生鴨美酒元從白墮留新筴更得青州

法南人不慣北人歡繩牀坐聽糟牀壓君不見蔡邕笛千
年人去亭名柯詎若龍鍾古節大如斗真堪一日十摩挲
銅盤絳燭朱顏酖升君之堂爲君歌年來已厭烏程釀客
中十斛須相餉沙棠樹下牡丹叢蓓蕾計日應全放殷勤
欲倩好風吹痛飲還期明月上預勅雙童洗竹罌待我醉
卧青絲障

贈馬南宮參戎

君昔銜命赴臨洮少年意氣何雄豪狐白之裘秦復陶袴
鞞昧首烏孫刀雪深草淺牽旅爨手格猛獸如童羔綠熊
赤豹遠遁逃生取蒼兕拔其鬣屯田蕪沒愁耘薶黃沙磧
裏飛蓬蒿金城戍卒飢嗷嗷翁孫方略徒煩勞安西都護
醉葡萄誅求絡繹窮秋毫旋從丞相征哀牢五月渡瀘入

不毛苴蘭城下血戰鏖螿叢鐵馬隨猿猱李廣數奇功則
高猿臂不得擁旌旄長嘯歸來脫錦袍黃公酒壚換濁醪
鱸魚三寸尊可筆安能俯仰同桔槔美人環珮逢江臯感
君一曲求凰操畫眉筆染青螺膏鸚鵡紫硯箋薛濤調絲
未央參翔翱玉臺新詠鏗雲璈溫柔有鄉堪醅醕何勞錦
字貽寶滔灞陵醉尉空嘈嘈吳鉤夜作蛟龍號孫盧餘孽
阻風颺天威赫怒集征艘樓船十萬聲喧囂何人爲薦公
孫敖鏊弧重繡解弓弢洗清瘴海爲城壕雲臺圖畫鄂與
褒道傍笳鼓驚兒曹丈夫窮達信所遭

市驢行

問伯寺前黃紙下黔首不得畜匹馬輸官者後罪無赦駮
駟驂駟棄中野走馬糞田史有書房星天駟光模糊柴車

麟麟鸞噦噦負軛者誰大宛駒五陵富兒顧廝養蹇驢價
出龍媒上素絲作鞭金絡頭驕嘶奮鬣行長楸

雪夜蘋園聽何山人彈琴歌

瑞雪峩峩照金罍主人置酒臨高臺座中有客操絲綺使
我徒御皆心哀寒風蕭颯空堂裏一曲未終棲鴉起忽疑
空山雷雨過倒掛飛流聲齒齒又如班馬之羣鳴千騎萬
騎行復止山人本自雍門客長裾恥向王侯宅結友偏多
俠少場貧來獨有丹青癖醉時攜得虎頭筆滿壁雲煙峯
削戍生綃高捲洞庭雲綵毫孤映蓬萊日絲桐筆墨各有
神琴理眞從圖繪出水仙海上霧濛濛廣陵絕調隨春風
絃際何由識今古胸無邱壑難爲工伊余自歎嬰塵鞅五
嶽空懷何日往煩君爲鼓一再行能令宗炳羣山響趙郎

善手寫金徽更爲變徵淚霑衣明月疎鐘兩搖落滿地清
霜鴻雁飛

從軍行送王玉門之大梁

有客有客髯而紫左挾秦弓右吳矢自言家本關中豪黃
金散盡來江沚年來倦上仲宣樓裏糧且訪侯嬴里腰間
匕首徐夫人河上荒祠魏公子懸知弔古有深愁慷慨登
車不可止自從盜決黃河奔大梁未有千家村烽火但增
新戰壘塵沙非復古夷門短衣聊向將軍幕長劍終酬國
士恩落日驅車臨廣武春風試馬出轅轅丈夫佩印乃恒
事安能鬱鬱老邱樊王郎顧我深歎息一見歡如舊相識
此行不但爲封侯人生貴在抒胸臆江上楊花白雪飛梁
園芳草青袍色盾鼻猶堪試綵毫鶯聲聊爲停珠勒醉後

狂歌氣若雲軍中教戰容如墨春風拂地車斑斑起看明
月覽刀環平臺賓客久零落至今汴水空潺湲憐予偃蹇
風塵際年來磬折凋朱顏已知苦被雕蟲誤強弩欲挽不
可關待爾他年分虎竹相從射雁終南山

詔獄行

秋官署中有老吏能說先朝詔獄事當時國是日紛紜太
阿柄倒歸闕寺天子高居問尙公公卿標榜排清議遂有
羣凶作爪牙鸞虎蒼鷹最毛鷲長樂宮前傳片紙金吾夜
半飛緹騎衛尉將軍身姓許提點官旗北鎮撫讞決惟多
王甫歡累囚欲辯張湯怒洗垢新懸沈命法揮毫已入追
魂簿甫聞北闕殺劉陶旋見西亭尸竇武白骨交撐裹赭
衣殘骸誰敢收黃土爾曹自謂盤根株殺人狐媚誇良圖

豈知神理有反覆昊天明明安可誣神姦脫距競菹醢亦
有然臍當路衢長安萬姓歌且舞賣釵鬻釧沽醜酬海水
羣飛桑畝移俯仰乾坤又一時三君八俊俱塵土膺滂田
寶無墳基形管堪嗟酷吏傳青苔半蝕黨人碑我今胡爲
淹此室園扉白日啼寒鴟冤魂欲招不敢出但聞陰風蕭
颯中心悲中心悲淚盈把酌酒呼臯陶臯陶竟喑啞古來
萬事難問天蠶室誰憐漢司馬君不見城上烏啄人曾不
問賢愚新鬼銜枚向都市年年寒食聲嗚嗚

雙燕歌

雙燕復雙燕去歲春明江上見今年知我在網羅飛飛萬
里來相唁忽似天涯絕域中茫然驟得逢親串支頤強起
暫爲歡撫事哀歌淚如霰吁嗟我生太荼苦羽毛摧剝飢

膚賤鴻雁高翔那肯顧鵲鴿夢斷空凝盼東風夜夜吹歸
心故園桃李開應徧燕兮少留聽我語獄吏雖苛不嗔汝
長安挾彈多少年汝今銜泥向何處楚館吳宮久寂寥野
花爛漫縈遺礎翡翠樓頭許暫棲恐妨思婦夢金閨蕩子
從軍去不返年年芳草春萋萋碧紗窗外霏霏雨恨殺南
飛烏夜啼

古銀槎歌

我有匣中銀鑿落碧山山人手所作背鏤至正壬寅字點
畫形模今宛若斷節枯根紛錯糾中有仙人博望侯衣冠
甚古鬚髯蒼飄飄一似乘孤舟肘後惜無筇竹杖袖中或
有安石榴人言八月泛天漢支機石畔逢牽牛奇事流傳
見圖畫鍊師何意窮雕鏤當年親致汗血馬飽歷條支經

大夏安知骨貌久銷歇
供人把玩充杯斝
金人已去柏梁臺
玉液常霑白蓮社
嗟我瓠落溝斷同潦倒
賴爾衰顏紅
有酒如澗不稱意
欲求仙術尋壺公
跳身此槎之腹中
窮源再入馮夷宮
爲侯改號鳴夷翁
胡爲低眉偃蹇在塵世
枕蛟騎虎愁我躬

夜雨留方爾止宿次日將之宣州

相逢吟落木
此別歎流螢
偃蹇羞郎署
飢寒逐客星
簾光搖竹翠
江雨帶帆青
歸日吾能待
新詩滿敬亭

宿摩訶菴

不意能來此
高僧共默然
燈傳無盡劫
花有再生緣
幻夢初弦月
微軀小劫年
畫廊松影外
呵壁問諸天

喜王西樵至湖上

伏枕南屏寺聞君脫屣羅翻然具舟楫及此問煙蘿驚定
收雙淚悲來著九歌惠連新句好惆悵未同過

惜別魂猶悸相逢病欲蘇全身來北寺留眼看西湖白社
期同往青山道不孤故人曹鄴在吟眺慰窮途

顧菴學士
客湖寺

剡溪道中

昔人乘雪往而我溯風行萬壑穿雲轉孤舟與石爭魚游
寒水見鷗立夕陽明安道留遺宅寥寥千載名

和曹顧菴學士湖舟泛雨

盪漿煙初破迴橈雨未收樵歸梅半斧候暖麥將秋雲氣
藏山寺江聲抱郡樓客懷俱拓落不但爲依劉

申園同姜如農作

舊與張常侍同吟桂樹歌重來松鼠大相對渚禽多花氣

侵衣袖茶煙隔薜蘿終焉遂疎懶白首問漁蓑

寓侯記原柅園

飄泊仍吳會淒涼但越吟鄉遙悲去雁春晚見來禽老病
初攜杖良朋喜盍簪婁塘隄上柳步屨定相尋

上巳遲三月

是年閏二月

高齋自一家魚梁連竹屋雞柵縛藤

花萬木偏能冷羣鷗未覺譁臨邛頻送酒莫遣豹奴賒

未忍辭君去行行且復淹酒鎗朝尙卧花箭夜來添

齋中蕙開

極盛

白鳥聲相亂黃魚價稍廉東鄰如可問龜策未須占

檢閱故人姜篔簹遺稟泣然有作

宿草萋萋幾度春招魂不返大江濱安知嗣祖非爲福况
有要離可作鄰良友心期爲楚些孤兒風貌是吳人西風
似翦吹殘燭三復遺文淚滿巾

九日同姜如農王西樵程穆倩諸君登慧光閣飲於

竹圃分韻

塞鴻猶未到蕪城載酒登臨雨乍晴山色淺深隨夕照江
流日夜變秋聲上方鐘磬疎林滿十里笙歌畫舫明空負
黃花羞短鬢寒衣三澣客心驚

夏考功先生廿年淺土門人盛珍眎卜地葬之以其

夫人耐焉余高其義爲詩以贈

幾年松檟缺經營負土荒原賴友生曾賦國殤悲翟義竟
無傭保付王成月明大鳥來華表劍合雙龍捲素旌二陸
冤魂應共語雲旗風馬笑相迎

羅以獻胡去驕將歸武陵漢陽小集南園卽席分韻

纔從雙屐探梅萼忽送孤帆折柳條唳鶴灘頭春欲盡鷓

鵝坡上夢方遙生徒南郡悲長笛詞客西京有洞簫我亦
因君動歸思那能長住伯通橋

重晤李舒章

漠漠陰風吹草萊故人悲喜更銜杯競傳河朔陳琳檄誰
念江南庾信哀避地何如金馬署傷心莫問柏梁臺蛾眉
自昔逢謠詠嗟爾登高作賦才

元旦

白項烏啼接曙暉條風依約滿園扉非關潘岳爲郎拙自
是虞翻與世違滄海尙懸逋客淚清霜甯爲賤臣飛故園
鷗鷺應相誚辜負三春薜荔衣

送顧勉齋督餉關中

柳色依依邊馬鳴故人萬里賦西征漢江舊繞褒斜谷蜀

道新懸驃騎營積裏梅花春不度樓中羌笛夜偏清相看
懷抱蕭條盡隴水秦雲雁幾聲

聞郭輝竹赴難志感

側身東望獨含愁尺素俄傳解我憂黨禍得無驚范母故
人來必是王修欲投豺虎呼蒼昊肯使錢刀感白頭俠骨
未妨頻煨煉若盧扉裏醉鄉游

冰雪河梁送汝歸至今烏鵲尙驚飛未辭羽翮懸弓繳何
事風波及釣磯梁獄有書愁按劍秦庭幾客賦無衣懸知
執手還如夢顏鬢年年半已非

送徐子九之任麻城

昭邱南望鬱蒼蒼有客鳴榔過武昌楚國菁茅初入洛漢
臣詞賦舊懷湘月明挂席聞鴻雁秋老登樓見鳳凰若到

明暉卷言匯卷二十四
三
江南逢小謝寄言幽夢滿池塘

送何葵如歸里

年年作客雁先還
纔說歸期鬢已斑
落日片帆天際遠
那能相送鶴兒山

漂母祠

楚媪祠邊薦白蘋
誰將卮酒酹王孫
千金一飯猶思報
肯負高皇吐哺恩

舟中見獵犬有感而作

秋水蘆花一片明
難同鷹隼共功名
檣邊飽飯垂頭睡
也似英雄髀肉生

黃耳傳書事不訛
松江高塚尙差栽
韓盧烹後功臣死
莫向淮陰祠下過

癸丑上元游赤壁作

步履臨臯芳草生斷崖千尺夕陽橫賦成赤壁人如夢江
到黃州夜有聲雪後歸鴻頻代謝渚邊孤鶴自哀鳴煙波
極目憑闌客載酒還應酌月明

舟中卽事

老作成都客飄搖愧卜居招魂詞賦客訪古歲時書鳥道
王程遠猿啼鄉信疎同舟親串喜新食武昌魚

宜都阻雨入夜始霽自荆門虎牙山而上羣峯絡繹
險怪萬狀蜀江之奇自此始

艤舟背山郭寒雨方淒淒愛此澄江水色映青玻瓈北岸
殊不然一石五斗泥同流判清濁勢與涇渭齊宵分星漢
出振柁鳴晨雞虎牙旣雄互荆門不可梯羣峯互方圓參

差壁與珪層巔挂飛梁千仞垂虹蜺石子何磊磊往往絕
徑蹊榜人半赤脚重繭如馬蹄小子但果腹歌嘯忘酸嘶
嗟余懷寸祿遠適瞿唐西巫山渺安極嘯愕方端倪晨夕
展游眺童穉相提攜快哉篷窗內偃息成幽棲

泊舟夷陵作

百丈挽孤舟譬諸禦勁敵黃頭運長篙森然列矛戟伐鼓
以爲節進止有成畫喧呼殷雷霆魚龍應辟易草間覓微
路蜿蜒入山脊蜀兒誇身手攀緣類蜥蜴乘風張素帆眩
目失青壁蒙茸巖際花斑駁沙邊石小市聞魚腥近郊留
虎跡夷陵楚西門歷年困兵革黃牛未百里江流疾如射
雲岑莽虧蔽波濤相委積蕪沒明妃村蒼涼屈原宅景物
足留連畏此簡書迫浩歌對鷗鳥俯仰悲行役

南津關

卽西陵峽

奮棹入西陵實惟三峽首耳目霍然新乾坤劃初剖巴江
萬里來莽莽開戶牖大禹驅龍蛇羣峯儼趨走錦屏百疊
張翠壁千尋陡崖谷異昏明亭午氣如西幕厯青蘿幽龍
葱白雲厚繪事讓鴻濛天然色丹黝怪石何時崩雷文辨
蝌蚪長年告中飢步履坐林藪苔荒杖屨危徑仄趾相蹂
捫弓落雉媒垂綸出魚舅揮杯勸吾儕此樂良非偶

黃茅灘

羣山夾江流其形如囊橐緬想太古前神功勞斧削直下
塞坤維高空插冥漠崩浪屢洄漩層巒迭參錯罨畫象樓
臺岩嶷類城郭翠含青黛光白者爲粉堊沿迴路已窮側
轉忽開拓煙際見漁舟遙遙一秋籜涉險卻恬嬉勝賞反

驚愕渾似逢異書披覽得約略行行止三舍樵爨倚山脚
方音聞鷓鴣暝色下猱獾洶洶怒濤哀孃孃山泉弱興來
抽短毫庶幾慰飄泊

捕魚行

新灘之險天下無瞿唐以東稱畏途波濤壁立走雷電下
瞰疑是蛟龍都驟窺湧洞破心膽坐觀笈笈成歡娛漁人
取魚逐灘響不勞烏鬼家家養年年巴蜀雪消時千百為
羣魚大上欺珠跋扈氣成龍觸石驚跳力如象騰身爭欲
挾雲飛紅鬚翠鬣翻銀浪死生禍福只須臾早見修鱗出
罾網已因泥沙尾尚搖半銜葦索頭還搶甯論鯉鯉與鱖
鱖百錢賤買充餼糧不分流膏兼飼犬可憐登俎共抵羊
我行見此欲掩鼻鮑魚之肆古所傷落日回舟召親友吾

儕幸脫鯨鯢口計日應嘗丙穴魚爲君滿酌郛筒酒

新灘歌

江水遠赴瞿唐門建瓴而下勢欲吞東過秭歸峽逾逼雙
崖突起如藩垣神龍在檻虎被縛自然拏攫還騰奔巨石
中央列戈戟雲霾雨蟄磐孤根滌洞未肯注東海朝宗詎
識天王尊天吳九首作窟宅當年割據哀公孫老蛟晝號
猿夜嘯估客萬里傷心魂疑是共工怒頭觸崑崙折天柱
又似樊將軍毛髮衝冠皆倒豎叢祠血食飽淫昏開鑿無
人念神禹岸邊林立黃頭兒負戴裝囊半村女攀蘿捫葛
勝丁男頭上銀釵已非古行旅紛紛學魚貫鄰船隔舫更
相喚一舟纔過萬人呼沙頭雜坐忘餐飫西來舸艚去如
箭死喪之色人人面濤聲斷處卽安瀾咫尺分明割鄉縣

舟人釃酒妻拏喜，歷盡驚湍觀已止。
艱危莫漫數黃牛，鹿角狼頭曹檜耳。

戲題督郵爭界石

何年攘臂此山頭，風俗傳聞兩督郵。
蜀國至今悲杜宇，楚人終是戀鴻溝。
滄桑屢換身安屬，朝市頻更怒未休。
怪事荒唐君莫笑，古來黨禍本清流。

天生橋歌

天台石梁百餘丈，縹緲丹梯不可上。
匡廬瀑布垂雲端，銀河倒挂千巖間。
苧溪之水西北來，發源月窟何雄哉。
驪龍正睡老蛟蟄，何人鞭起生風雷。
雪山峩峩仆冰柱，馮夷怒擊靈鼉鼓。
六鰲鼻額高崔巍，濺玉霏珠自吞吐。
虹橋橫跨出天然，元氣渾茫絕斤斧。
奔濤忽斷咽不流，下穿雙穴如

咽喉須臾潰決勢莫禦動搖林壑風颭颭萬鈞強弩齊注
射驍驪頓掣金絡頭我來濯纓還洗耳酌之不異中泠水
猿啼虎嘯車馬絕可憐汨沒空山裏噫嘻乎古來賢士軼
軻亦如此必逢困阨聲名起屈子離騷馬遷史不得其平
應爾爾殘月輝輝攪醉眠猶覺泉聲撼窗紙

李之芳字鄴園武定人順治丁亥進士授推官官至文

華殿大學士諡文襄

詩話文襄初授金華推官行取御史慷慨敢言出視
兩浙鹽課累擢專圻值耿精忠爲亂溫處金殿所在
蠢動文襄駐節衢州分軍戡定蠲賦治賑撫輯流亡
內召典中樞贊大政勳名爛然漁洋爲墓碑謂在言
路爲真御史在臺端爲真中丞開府巖疆不動聲色
使東南數千里危而復安正色立朝始終一節爲古
之社稷臣論者咸謂非溢美也

同施愚山陪祀郊壇

太乙瑤壇接露臺龍旌遙拂翠華來仙韶細度雲門奏玉
殿初明泰時開千尺爐煙天外轉九重轍佩月中迴祠官
解有登封意獨向甘泉擁賦才

馮溥字孔博別字易齋益都人順治丁亥進士官至文

華殿大學士諡文毅有佳山堂詩集

詩話文毅壯歲登朝迴翔臺閣一時高文典冊多出其手康熙己未召試博學鴻詞與高陽李文勤寶坻杜尚書崑山葉文敏同閱卷得人最盛在京城東隅築萬柳堂借諸名士觴詠其中風流儒雅照耀當世佳山堂集王貽上毛大可陳其年諸人爲之序至謂其言大義深渾括萬有上繼謨誥風雅之遺稱誦師門不無太過

行路難

長安豪貴起大屋日食萬錢苦未足洛陽年少來上書旁
觀笑破絳灌腹昔日信陵謀孔艱車騎喧闐老抱關太史

猶記東門裏過者徘徊不忍還嗚呼躡屩擔簦日三喟人
生報恩會有地

少年結交意氣豪杯酒歡娛贈寶刀出門一笑輕其曹銘
鐘鑄鼎等鴻毛白日晡暖不相待霜刃繡澁沉光彩無復
伏波銅柱勳空愁薏苡飛書在嗚呼茫茫塵氛無要津棄
繻破浪屬何人

紉蘭不耐久磨刃空傷手樹鍛既不堪犢鼻亦可醜丈夫
懸弧志四方焉能跼踏徒俯首脂車秣馬越太行自信險
阻無掣肘我車脫幅我馬卒瘞前有虺蛇後有猛虎將伯
無助困於林莽咄嗟歌白石慷慨問青旻孰知坎墮蓬蒿
士亦有當年稷契臣

秋日飲酒詩

秋色從西來吾齋何瀟灑涼颺拂襟袖老眼作小楷念此
筋力微自笑如童駉山容淨遠眸天清暑已解重曝晏子
裘莫怪侏儒矮高朋正滿座樽空更須買取樂少年同頓
忘吾體憊况有吹簫人取材谷之懈華燈宜高張梁塵嫋
嫋擺不醉未云達遑恤旁觀駭試看戰士苦甲披猶重錯

紀異

己未秋七月廿八直官廨震動起重淵衰老適相避初聽
蛟龍吼水勢湧澎湃復擬雷霆怒擊物刀必夬奔走爭一
門洶洶羣奪隘帽脫鮮結纓袒裼任衣袂跬步暗前途舉
足迷所屆造物胡不仁或是天地噫倉猝邁乖異喘定神
尤憊戰慄色各變相對不能話招魂幸得活傾壓分一界
豈是九河復溝裂分多派屋覆勢連雞牆徹溷貴介嗟哉

土中人狼藉如填債上帝降鞠凶下土橫彫瘵貧者束縛
去富室或歌薤逆旅親戚絕慘被蠅蚋噉皇仁眞浩蕩發
帑賑頽壞無主勅官瘞丁甯勤告誡小人復貪利木石十
倍賣至今露處多入室如畏蠶席亦不易得婦子衣裳絳
街頭燈火繁團聚渾結砦淒涼逢陰雨鄭圖非所畫災祥
昧其原夫子不語怪俗訛鰲極翻吾將具十牒

贈唐濟武

折檻焚魚句獨工參禪學道跡雙融閒來幾捆牛腰卷醉
後千村驢背風小過舊知惟視北同人新興在江東卽今
握手春明裏不擬人間問轉蓬

籬菊花繁九月秋去年有客賦同遊文章海內無雙手公
望詞林最上頭狎主齊盟鄰友在竭來燕市酒徒留蜀箋

欲買三千葉鈔取新詩慰老眸

九日同沈繹堂羅振彝王仲昭吳志伊陳椒峯登善

果寺毘盧閣

蒼涼霜氣未深寒九日招提倚佛欄過眼征鴻難並翼入
盤紫蟹且加餐天龍八部垂垂老日月雙丸冉冉看陶謝
賓朋欣滿座黃花欲插更彈冠

蘆溝橋行

蘆溝之橋走百貨柴車阻塞斷人過前車脫軛扶牛立後
車挨幫騎馬坐須臾十車五車橫千車百車不肯行日中
相望愁日暮九衢遙矚走崢嶸豪貴馳來鞭撻厲回轅讓
路開復閉念子氣驕衣裳單天寒露宿眞拙計都城百雉
開九門九門亦復如雲屯侯家應有車千輛牛馬風塵日

月昏憶昔子鍼來奔晉華軒豸轂夾道進觀者驚愕未敢
言雷轟電掣公卿震富貴事君莫等倫不見詩詠車麟麟
寄言行役冠裳客好避驅車獨力人

黃機字次辰號雪臺錢塘人順治丁亥進士改庶吉士
官至文華殿大學士諡文僖有浥露堂詩文集

讀歐陽永叔秋聲賦有感

執素不盈尺撫桐何事絃夜氣還太初杳無塵慮牽清商
入林杪抱膝忘吾年人生感榮辱而自損其天聞茲檐外
聲烏乎使之然

和高念東先生六合道中作

寄眼秋光好停車問所經迴峯藏短徑疎竹掩空亭稻熟
平棲畝蘋開淺見汀蔣山新入望端爲客來青

王熙字子雍一字胥廷號慕齋宛平人順治丁亥進士
改庶吉士授編修官至保和殿大學士加太子太傅

進少傅諡文靖

詩話文靖早入翰林善談史事習清書逾年學成
世祖屢試稱最敷歷臺閣歷六官幾徧於國家典制
鉅細周知同朝歎服詩
清麗芊緜時有佳句

小樓冬月

向夕煙消大地平
海洋扶月上瑤京
山河影射千門靜
城闕光涵太液清
霜靜高旻流素籟
風微小閣敞新晴
鄰鐘欲動光初滿
蕭瑟還驚離別情

夏日東章紫儀

思君好亭子
閉戶卽山林
繞屋清光迴
盈階碧草深
素琴宜靜夜
涼月發高吟
此地疑無暑
微風起夕陰

紫竹院

紫竹禪關迴虛亭老樹前檻低花影靜林密鳥聲傳鐘梵
閒清晝池塘徧野泉夕陽樓影下歸騎破春煙

郝維訥字敏公霸州人順治丁亥進士官至吏部尙書

諡恭定

詩話恭定精於吏事分巡延邵擒劇寇張自盛爲民
除害入爲京朝官貳戶部四年長吏部九年裁定法
令俾後來者
可以率循

寄題五老峯

廬嶽岩堯隱列仙五峯離立蔚藍天玉膏瑤草襟期外白
鶴青牛警歛邊極目蓬萊惟一氣共餐沆瀣自何年終期
振策三梁上賓主逢迎意儼然

任克溥字海湄聊城人順治丁亥進士授推官官至刑

部侍郎加尚書銜

詩話海涓成進士授南陽推官值大兵之後披草萊治城郭招集流亡深有恩意入為吏科給事中數上封事皆關大計年逾九十乃以尚書致仕乾隆間嘗特命出所條奏宣示中外裕陵諭謂克溥速事兩朝抒誠建白無愧直言謇諤之臣云

游鵲山院贈蹇修上人

偶來尋古寺雨後得餘清
漠漠人煙外泠然一磬鳴
禪牀隨處穩秋草就階平
只恐深山去雲霞隔幾層

李敬字聖一號退庵六合人順治丁亥進士官至刑部

侍郎

詩話退庵自訂詩文集未刊漁洋盛推其詩謂不減古人僅存二十餘篇於感舊集中稱其讀水經注憶洞庭一首極佳然五言尤勝直逼元暉律句亦具體王孟惜全集之不傳也

天甯洲至六合

纖纖蘆上月，歷歷船中曉。風鳥共一輕，江天相與杳。雲歸三楚秀，山點六峯小。滌水迴曩游，靈巖發新眺。

孤館

孤館多雨色，青苔被階墀。秋風行半道，元蟬催高枝。佇立裁錦字，信美將誰思。空廓易流響，非復墮釵時。盛年不自得，良覲難重期。安得隨陽鳥，緘書寄瑤池。

清明泊瓜步阻雨

愁思如芳草，春程不斷生。停雲連野色，過雨挾江聲。瓜步新添水，清明遠送行。強從吳客語，歸計羨朱櫻。

登嶽

尋山有仙骨，出沒御天風。歷歷游觀處，蒼蒼煙霧中。靈芝光可遇，福地脈俱通。日落予心息，還期鐵腳翁。

過武昌

四時常不極一棹况無涯擊汰天疑路停橈水是家危洲
行處直遠郭望中斜沙勢銜山影波光蕩日華蘆明空岸
雪葉亂晚陂霞稍辨武昌樹初飛夢澤鴉客愁增湍駛楚
色滿蒹葭欲訪河干叟林端見古槎

洞庭望月

好風臨湖水清光不可分有天涵萬象無地點微雲鄰笛
聲相應仙舟影絕羣如何風外雁偏向夜深聞

春晚

春晚草萋萋流鶯不住啼酒醒亭午後人憶秣陵西愁緒
散還結月花高復低緘情書札在珍重更封題

青溪曲

十里青溪半藕花
亭臺相向夕陽斜
小姑不解傷心事
夜夜月明來浣紗

過準提庵用退之韻

檜柏秋陰石路微
荒園草長殘蝶飛
老僧學佛兼學圃
豆花雨漬豆葉肥
我來踏穿獅子窟
繩牀塵滿坐者稀
所須月米纔半鉢
黃菜撲面劬朝飢
去年屋破雪堆席
今日牆敲風打扉
睡漢世法且不貫
縱施廣舌何霏霏
龕前大士漫千劫
門外枯松徑十圍
隨便趺坐卽起去
休留棘刺橫牽衣
快哉白雲如奔馬
兀突那復爲人鞿

讀水經注憶洞庭

坐倚巴邱俯洞庭
君山一十二峯青
不聞修竹來仙吹
但有孤鴻送客舸
欲辨水天惟北斗
若當風雨卽南溟
舊游

浩渺如春夢兀看酈元注水經

宋徵輿字直方一字轅文華亭人順治丁亥進士歷官

副都御史有林屋詩草

詩話直方少與陳卧子李舒章齊名亦幾社後勁歌
行沈鬱其七律古意一首歸愚謂酷似楊升庵塞垣

鷓鴣詞

參軍行

檀州軍敗洩南陷鐵騎西山逼雲棧九門辛苦坐公卿按
兵不動有高監玉堂美人何不平上書北闕苦論兵參軍
新命一朝下單騎夜出長安城是時主將盧司馬獨將西
兵兵力寡不教國士死黃沙別遣參軍向城下參軍不行
司馬嗔參軍旣行司馬陳北向再拜謝至尊曰臣象昇死
國恩鼓聲闐闐軍出壘司馬一呼創者起三萬邊兒夜合

圍孤軍雖勝終鬪死朝廷頗輕死事功翻疑訟疏多雷同
司馬精爽久寂寞參軍一官成轉蓬嗚呼國家賞罰未可
測歸耕匡廬隱亦得

襄陽曲

襄陽二月花豔時城頭高曳五丈旗東風一夜動笳鼓夾
城傳呼丞相歸紅纓金甲光炤日霜刀亂揮賊爭出倉卒
誰辨非官軍滿城鼎沸嗟何及峴山日落黑雲重大隄女
兒哭相送襄王宮殿野火燒何人更起獵雲夢

贈張燕客

我來勾踐國結交張公子華燈夜相迎痛飲從此始三尺
羅袖紅一尺虬髯紫紫髯飄飄拂予肩自言疇昔稱少年
西走咸陽北走燕終南太行相接連此鄉索寞少奇士風

沙萬里心茫然以茲感歎歸故鄉黃河千尺流湯湯河隄
蓄水出平地決之可以沈大梁黃龍青雀未可測果然今
日成懷襄酒酣對伎重岸幘重道當年解音律琵琶絃索
誰第一武宗供奉查八十萬歷季年范昆白雷轟鐵撥今
有誰練川陸曜稱傑出聞君此論多欽崎河轉星稀未忍
歸歸來落月屋梁西卧龍山上烏亂嘯

古意

碧玉堂西紅粉樓長安歸思憶涼州咸陽橋上三年別回
樂峯前萬里愁秦地煙花明月夜漢家關塞白榆秋夢魂
欲識金微路應逐交河水北流

長信草

青青長信草無意學逢迎不厭淒涼地春來還自生

下灘

孤舟瀉石灘雙槩下雲端浪湧分花路濤驚濺雪寒亂山
皆曲向飛渡怯廻看千里無諸國天南自鬱盤

谷應泰字賡虞號霖蒼豐潤人順治丁亥進士歷官浙

江按察司僉事提學道有築益堂詩集

詩話霖蒼撰明史紀事本末典章事蹟首尾秩然每篇有論仿晉書體皆作儷語文縛氣清曲折詳盡督浙學所識拔皆一時知名士陸清獻其一也詩雍容溫雅一洗明季纖仄之習

游道場山

丹岑連絕漢金刹倚晴空花散珠林雨松迴古殿風寒煙
生樹杪孤磬落雲中尙有荒亭在憑軒憶遠公

張坦公先生放鶴亭招飲

春風楊柳盡垂絲湖海飄零對酒卮忽憶彭城今夜雨滿

元明詩話卷之二十四

三

庭芳草鶴歸遲

張坦公擢少司空北上

樓船北指少司空三月江南聽去鴻
謀國上書惟賈傅救時入洛看溫公
幸陪祿食旬宣久悵望鶯花去住同
何日皇州春色裏鳴珂紫陌一相逢

季開生字天中號冠月泰興人順治己丑進士歷官給

事中有冠月樓詩出關草

詩話天中早擅才名以建言謫戍直聲震天下其尙陽堡卽事詩云極塞有山皆北向重邊無水不西歸忠愛之忱溢於言表

關前誌別

罪軀幸得主恩全餞酒蕭條轉授鞭
奄普灘平魚陣淺句離天闊雁行偏
不辭馬骨埋邊雪敢惜牛衣卧塞煙
今日

玉關無外內臨歧握手莫潸然

尙陽堡卽事

草橋跨澗水粼粼不厭羊裘把釣綸每愧野人勤給米久
勞鄰媪代炊薪牀前見月家園夢雪後聽鴻兄弟情消濁
卻憐詩興淺三秋不敢憶鱸蓴

鑿冰十丈得泉歸卻望千峯白雪圍海岸漁樵生計淺天
涯親舊過從稀頑山入屋霜連枕禿樹當門月上衣窮旅
不堪兒女怨夜添松火敵寒威

新燒懸崖淨積莎遠隨甲騎渡柴河虎頭在客休投筆雞
肋從軍漫荷戈骨肉書傳遼塞少林泉話入故園多邊城
老將秋霜下夜半聞笳起自歌

五雲長繞舊皇畿萬里孤臣寄翠微極塞有山皆北向重

晚暉雜言匯卷二十四
三五
邊無水不西歸雞鳴夢訝參朝晚烏哺心傷進膳違甯惜
煢煢沙雁影陽回未得入關飛

送左大來先生葬

重關不禁旅魂過夢裏看君渡塞河白日總悲生事少黃
泉翻羨故人多荒臺啼鳥圍松柏廢苑寒雲鎖薜蘿未遂
首邱須淺葬好留枯骨待恩波

洗馬橋王三俠君

靈崖北下莽蕭蕭舊是單于洗馬橋野槿帖山垂白葉番
河歸海逆紅潮共傳化日銷兵甲不厭寒星送使輶萬里
天書自西出吟鞭應歎斗牛遙

季振宜字詵兮號滄葦泰興人順治丁亥進士歷官御

史有靜思堂詩橐

詩話滄葦與兄天中先後官諫垣同以風節著詩才亦相伯仲其夢兄五言長篇語語真摯皆至性所流出滄葦風流好事藏書之富甲於海內虞山毛氏汲古閣宋板精鈔悉歸延陵乃未久轉入徐氏傳是樓聚散雲煙古今同慨

潼關有感

興亡非一代形勝覽層樓渭水千年濁秦山萬里秋豺狼互吞噬盜賊化王侯郵置無餘馬黃華不肯休

贈白門丁繼之

夜夜金陵夢所思君今猶是故棲枝杯傳燭影人如玉柳眉波光月似規白髮遺民翻舊譜烏衣年少唱新詩繁華搖落秋無限木老煙寒總不知

夜夢亡兄書寄柩前用代酌酒

曠野獸錚錚高山石嶮嶮金風吹淅淅白水流瀾瀾河廣

明耶雜言卷二一四
三

激長流流急岸崩圯見兄隔彼岸欲就乏舟艤遂有濟予
者亂流舟若駛呼兄兄呼弟相見甚相喜攜持各一手分
明見十指顏色非平生無復舊冠履契闊幾年別離昨
日爾長跪問我兄胡爲瘦至此兄云汝不知我今長已矣
形骸關塞外日閉黃泉裏青藤纏木棺寒冰浸骨髓鄰寺
聆鐘鼓隔土藉荆杞天遠難踰越地老瞻岵岵朋友宿草
盡翁孃四千里耶喜精神健娘食無甘旨三妹又長逝白
髮將誰倚汝嫂目失光石英覓燕市從來敬寡嫂青鳥化
童子莫我兒饑寒我兒方生齒我聞淚雨下長跪不能起
我欲有所啟收淚復長跪白馬眞死友弟曾無錢紙遼東
古戰場賢愚屍積委鬼強射虎傳兄弱雕蟲士一唱和者
稀筆硯雜弓矢燐火連破冢託足兄焉恃兄云汝不知夜

臺無曉理偷兒盜青氈魂憑烏皮几沽酒邀修文冉冉荒
煙水欲行我自行欲止我自止聖人復我官旅櫬歸桑梓
所遺七八口汝當速經紀寄語掌史官慎勿挂青史我聞
淚下雨長跪但唯唯唯唯更悽悽得毋我亦死

滄州古剎

齒齒魚鱗泊客船浮圖倒影水淵淵嘶風老馬斜陽裏茹
菜窮僧古佛前宦海於今非故我情田何處問諸天新聲
一夜江南笛落盡明霞月又圓

蔣超字虎臣自號華陽山人金壇人順治丁亥一甲三
名進士綬編修有綬庵集

詩話虎臣幼耽禪理相傳前生爲峨眉老僧年二十
三登第典試浙江猶未娶也後乞病歸徧游名山卒
於峨眉伏虎寺臨化有詩偶向鑊
中求避熱那從大海去翻身云云

文殊院

紫玉屏風敬佛筵諸峯如笏上青天偶來山寺空無主驚
起白猿松際眠

春日郊行有感

糝綠媽紅郭外稠花開不待客登樓穗頭鶴髮黃扉客多
少青春是夢游

金陵舊院

錦繡歌殘翠黛塵樓臺已盡曲池湮荒園一種瓢兒菜獨
占秦淮舊日春

葉封字井叔黃州人順治丁亥進士歷官兵馬司指揮

康熙己未舉博學鴻詞選授工部主事有慕廬詩

詩話井叔先世嘉興王氏以父嗣於葉徙居武昌宦
於楚遂著籍登科詞科不遇銓主事已先歿初令登

封游嵩山得詩數十篇漁洋爲序而刻之又採他詩
與宋牧仲犛王幼華又旦曹六升貞吉顏修來光敏
田綸霞雯丁干仞重輝丁雁水煒曹頌嘉
禾汪蛟門懋麟並列爲十子由是名益起

贈別林蜚伯戶部

輭塵如海汎溟滓蜃氣樓臺眩光景芸芸朝暮轟誼厖不
問公私詔鼃鼃九達車馬鞅馶馳盛者炎炎衰者冷誰其
擺脫縈攪緣解聽晨鐘夢魂憬異哉林子獨天挺身雖酬
醉心自靜曩予彊持手版時竊怪闊迂太孤鯁逢君相視
笑莫逆謂能潦倒樂與並狂吟往返讀且賡蕢酒招尋醉
還醒只應方柄成鉏鋤奚有疏觀枉見省言詩今數新城
王顧謂兩生特清警一人知己古所難念此胸懷日耿耿
比來俯仰分升沈依舊從容泯畦町俄傳布詔徵儒流謬
叨同舉慚公等天庭採藻曠代稀我本空疎君暇整無如

明倫彙編 家範典 卷二十一
刺繡輸倚門何況撞鐘以寸莛半生夜墮智井中一瞬雲
過泰山頂嗟乎六憶勿復歌聊勝五窮竟靡騁浮湛卽署
猶避世擁腫支離直縣癭側聞陰盛則變常杞人之憂更
恹恹喟然歸去江湖邊願忍長飢決幽屏淡交屈指甯可
多會面爲期幾何頃鳳翔千仞鴻亦冥下眠枋榆亂榛梗
滔滔饒水委逝川落落吾儕終愛鼎

嵩陽書院簡耿逸菴

荒院重開地周廬益美輪吾衰期復古道在信傳人喬木
能無恙今居必有鄰回思經始日僅爾薤荆榛
虛堂遠塵累樂地幾朋來游息無非學文章亦見才經行
黃葉下取次碧筠栽佇想惟吾友清心絕點埃

初夏樂叢開公以詩見招屢期不果依韻酬簡

落花隨澗瀉紅泉濃樹和雲覆綠煙玉版可參惟一味粒
松能種合孤妍將偷閒日因過院見買清風不用錢惆悵
幽期頻自失勝情空憶古人賢

雨後立秋獨由寒谿循路聽泉至西山寺卽事呈開

公

愁霖及稍霽獨往聽流泉蓮漏寒谿外松風古閣邊有山
須磊砢無水不潺湲得石披襟坐激懷一灑然

如此泉聲好能禁野興生空池收滴瀝危石漱琮琤逝者
從觀道清兮可濯纓幽期在林樾取次上頭行

散步逢秋蚤尋僧到上方因之開書定喜爲煮泉嘗庭草
綠隨意巖花紅斷腸淙淙幽澗響盈耳沃清涼

攤書臨斷壑倚檻近斜曛爲愛鳴寒玉還因誦碧雲松濤

兼淅瀝花梵更續紛輪爾閒朝暮經行坐卧聞

故興獻帝陵

在今安陸府城東本名松陵山嘉靖入繼大統封爲純德山尊曰顯陵

橋陵龍升空劍履穀林通樹非觀美驪山豕底鳧雁銷青
梧樹下麒麟委郢州城東純德山鬱鬱佳城餘廢壘寢殿
灰飛華表孤曲渠泉澀朱門圯生爲藩王歿稱帝松柏無
煩向西靡祇憐拱木已盡摧猶幸前和未遭毀緬懷建文
與景皇手握乾符作天子易名莫獲及其身追王偏能尊
旣死當時議論爭短長事久終應定誰是吁嗟竹簡出人
世零落蟾蜍盛滴水一雙玉魚猶宛然三重銅棺亦徒爾
爲君難保不失勢帶劍上邱古如此遙瞻斜照十三陵尙

護閒雲暮山紫

天壽山陵有敕禁樵牧

愚山至得王昊廬侍讀寓書奉答

雖至名山似謫居
顧瞻清禁引華裾
陳情已遂無遺恨
載筆相傳有賜書
人立雲端高獨鶴
客來秋晚寄雙魚
風塵卻愧非仙骨
枉問丹砂歎久虛

來書稱嵩有出山鉛服餌可以長生覓之不得

洛水懷古

託怨靈妃賦感甄
多情玉枕暗傷神
莫嫌泣豆相煎急
蚤與君王作路人

任文華字聯璧號雲潭新鄉人順治丁亥進士官廣信

推官有澤畔吟東園草繁霜吟清商詞

白露園

曲檻澄潭側泉聲曉夜聞
竹煙遮午日山色織秋雯
池靜留孤月人閒對片雲
滄洲原不遠可許與平分

李昌垣字長文宛平人順治丁亥進士歷官侍讀學士

瓜洲

新柳近危城晴波燕子輕潮聲環郭遠春色渡江明細草
煙中密高林雨後平疎籬臨曲岸小泊聽啼鶯

孫宗彝字孝則號虞橋高郵人順治丁亥進士歷官薊

州分巡道副使有愛日堂集

焦山

落潮泛舸未逡巡面面青山似故人殿閣當年懸日月海
天不夜識金銀有情草樹留書舍無限煙波待釣緡拂袖
直須臨絕頂容城古碣亦嶙峋

同曹秋岳先生遊韜光菴和高忠憲公韻

山水灼真意高深致有餘棟宇蟠天根恍躡洪濛初流泉
淳方池清風灑前除遂使冰雪心迴與塵世疎小住倦登

陟初地供軒渠簷楹矚江海一氣鏤清虛洞庭但浩養豈

是僊人居上有純陽祠字

嵐色幻今古螻蛄鳴春秋紛埃事徒滿所尙高王侯嶽嶽
懷古人正氣誰與儔勁節在天壤不毀同山邱何來逸情
叟舒卷千載憂杖履復舟楫逍遙繼尋幽好詩藏名山披
讀起龍湫梧岡有鳳凰別浦浮野鷗名德礪公等終焉吾
所求風雲薄巖壑悚焉不可留

張九徵字公選號湘曉丹徒人順治丁亥進士官河南

提學參議康熙己未舉博學鴻詞

詩話國初提學一職動招物議多被譴者湘曉在中
州士林翕服最有聲譽子禮存翰編素存相國皆早
年登第同居館職故湘曉未應大科之徵熟於明代
掌故相國總裁明史頗資庭聞漁洋稱其博物君子
詩中
解人

鶴林寺

昨歲逢僧話竹樓重來驚見雪盈頭杜鵑花老人天夢黃
鶴山空禾黍秋壁破字隨風雨去珠還像借鬼神留夕陽
莫漫催歸騎涼月松風好夜游

己亥錢馭少移居丹陽

翛然一榻此青邱卧起三年只小樓山色愁看霜葉曉簫
聲空度鳳城秋武陵避世何知漢荆土依人不爲劉最喜
一星占處士丹陽郭是古南州

安南卽事

鐵騎昆明道戈船粵水西諸君催轉戰天意罷征鼙象飲
蠻江靖鳶飛浪泊低須知尺一詔不異下金雞

杜爽字子濂別字湄村濱州人順治丁亥進士歷官分

守開歸道參政有湄湖吟

詩話湄湖十一歲補弟子員蓋早慧而夙成者王貽上為作墓誌稱其詩有奇氣類山陰徐渭陳伯璣撰國雅取以壓卷毛會侯言于鱗工於摹擬湄湖出於自然其風格有較勝者集係其子誠方刊行道光己丑其元孫

寒夜怨

凍草不可結樹寒枝相依蛾眉夜分明愁思不得歧漏遠
耳轉親月落心欲危孤衾光明滅照見雙鳳絲雙鳳何熠
熠羽毛立離離迴眸歛精魄悲來還自持寢興忽晝暖息
定意旋移殷勤結良夢為寄心相知

宜陵道中

理柁風雨伺一榻百愁寄行役苦留連堅忍獨噓淚亂去
十餘年生聚尙童穉修垣成蕪叢稻畦變郵置况乃海東

頭官鹽屬有司煮鹽燒煙青蠅利翅可聚三歲潮不至儻
來何鼯屬直擣范公堤還鹵不毛地河魚等烹鮮田蠹亦
骨醉築堡備潮汐古人勞遠意大蛇趨其顛昂顛待人飢
臨窟氣欲腥攀崖指已墜死水與死蛇挺刃理勿二天地
莽嗟吁鬼神紛顛頓上河頗有秋翼翼禾垂穗淫淫凍雨
纏秋陽何時曬昔稱全盛日東南反者漚隋屠元感後攻
戰互終始繁華不在野災異恒滿誌荒疫踵干戈諒復關
人事把酒問蒼冥涕泗忽淹鼻

遊天童寺道經育王嶺觀舍利

古寺饒長煙隔嶺見莽蒼舍利傳阿育西晉蹟乃昉人言
一尺塔光明彌百丈寶峯聚楞伽空谷走魍魎利賓與大
權儼立森供養溪水皆西流湯湯絕塵埃天童似兒孫羣

峰作兒襁松杉如此屋更出羣峰上天荒破義興密公更
雄長妙音胡寂然使我失瞻仰風雨宿山房夜聞鐘磬響
忽洗百年愁琉璃見精爽皎月懸一輪林杪寄眞賞

閱瓜洲城登大觀樓望京口

大觀樓外俯蕉堯江靜魚龍晝寂寥北固鐘聲寒出寺南
徐草色綠隨潮天臨平渚疑虛敞人倚危欄欲動搖歎息
伊婁河上柳六朝煙雨至今朝

庚子季秋贈別顧甯人社兄之會稽

都門曾諾共之官恰比前人解后歡燕領數奇天壤少虎
頭癡絕古今難布帆送客情何極木榻留君計尙寬一束
間關傳小宋禹陵消息去漫漫

平山懷古

明時雜言卷二十四
三
隋宮舊址盡荒涼一代繁華怨夕陽清夜綵春啼鳥寂紅
顏黃土野原香星樓涵日浮空碧御道連煙入望長多少
興亡成底事年年青草滿雷塘

馬鳴蕭字和鑾號子乾青縣人順治丁亥進士厯官工
部員外郎有惕齋詩草

惕齋用東坡韻

四時無休歇過去那堪數二氣自升降天地亦何語獨坐
望雲煙波鳥時高舉爲憐衰謝人白髮剩幾縷支離歎此
身短筇難爲拄况復人間世霜雪雜風雨故園棗栗熟剝
落動盈筥不定若飛蓬飄欵及黃土隱几澹無營邱壑尙
相許

野處逢歲稔延賞因時適君子不素餐饘粥猶戰慄微尙

夙有心粒食無陳乞肅穆耽松徑煙霞滿石室魂夢頗云
安肯教魚鳥逸俯仰易爲陳遑論處與出寥寥此天地語
笑或可必

劉璽字爾符朝邑人順治丁亥進士官烏程知縣有鑱

山集

秋日雜詩

讀書一萬卷不救蒼生窮借問昔所讀今與石田同露冷
蟬不語草吟亂百蟲時物自遷變君子憂忡忡何以緩斯
憂埋之酒杯中酒邊落清響不知是秋風醉詠松竹間蕭
灑開心胸

移居小白村

野居無事洛之干一杖逍遙任考槃青玉映筐挑馬齒紫

雲搖壁鬪雞冠客登秋閣生毛羽山向詩人露肺肝林靜
月明高喚酒又聽漁唱過前灘

市煙隔岸四鄰靜南北輪蹄路不通秋色老添黃雀雨雁
聲孤墮白蘋風少陵詩卷兀相向元亮酒壺誰與同猶喜
閒閒張仲在釣竿長伴荻花中

繆慧遠字子長吳縣人順治丁亥進士官壽陽知縣有
甯齋詩集

有感

湘水桃源欲問津衣冠處處哭秋旻甯同白馬殲朝士肯
為黃巾赦黨人行澤楚臣應抱石上書梁獄幾全身驚心
南國添繒繳解網還邀聖主恩
烽煙海內尚兵塵奮袖論才得爾曹紫塞重彈白翎雀金

門競奏鬱輪袍蒼茫夢裏詢蕉鹿浮拍池中把酒螯長嘯
獨期千古事詠懷何必反離騷

憶遼左故人

生歸何地更逢君蘭忌當門自昔云東洛少年無賈誼制
科風漢獨劉蕢蕃釐種徙瓊花絕遼海魂啼杜宇聞篋裏
故人封事橐雨窗檢點淚紛紛

田茂遇字楫公號髯淵華亭人順治戊子舉人授新城

知縣不赴康熙己未舉博學鴻詞有水西草堂集

詩話髯淵少爲陳卧子所激賞後爲梓其遺集以報
之試鴻博不遇歸築水西草堂觴詠以老選當代名
人詩名十五國風又選高言
集清平詞詩有伉爽之氣

貧交行

古人不貧才不老今人貧乃傷懷抱古人結交重青雲今

人棄置同秋草今古人情何太殊我來仗劍邯鄲道邯鄲
城中游俠多邂逅相逢意氣好腰間脫劍且按歌尊中有
酒復傾倒上堂拜母下揖嫂與子縫裳復剝棗君不見古
來英雄不用爲傭保叩角行歌石皓皓

孤兒行

孤兒啼聲何淒然問汝啼何爲長跪答言父爲南海太守
居官清廉不枉取一錢鳴騶吹角大吏巡邊前導到部勢
喧然晨報謁不得前夕報謁不得前急從販繪者貰縑百
聯獻之幕府大不歡曰此邦舊有百斛珍珠船大吏朝去
境夕拜賤守此海邦另擇名賢烏白鷺黑上下茫然父羈
南海不得旋客死歸黃泉兒負嫠母跋涉山川乞食路間
望見大吏鳴騶吹角仍巡邊猗嗟父骨歸何年

李貺字君右號書城潛江人順治戊子舉人官丹徒知縣有含桃軒詩橐百城煙水集

答遐矚

四月江南花已殘卻回來伴子陵竿室營燕壘歸猶客夢渡江濤險似官長夏疎籬搖老綠短衣曲檻俯迴瀾此中著述渾閒事偏耐幽人冷眼看

魏學渠字子存號青城嘉善人順治戊子舉人由成都推官歷官江西湖西道康熙己未舉博學鴻詞有青

城山人集

詩話青城為忠節季子在官多惠政生平輕財好施與桐城錢飲光感其惠有詩云還家擬建懷青閣從此飢驅不出門錢塘汪徵五以所贈築園江干名曰魏園餘姚黃晦木從求買山之助與黃金一餅謂於友朋間得未曾有

游祁氏寓園

卽忠愍
沈淵處

北望首陽巔黃雲愁欲暮南沂汨羅水清光渺難晤我行
陟寓山哲人想芳素岡巒互起伏蘭蕙紛無數亭榭鬱參
差夕霞橫古渡的的淥池荷飛飛汀洲鷺孤鳥西北來哀
鳴如有訴風雨眺高原慷慨登樓賦之子赴澄潭客徒悲
薤露山鬼披蘿立湘娥倚竹顧人生不百年喟然忱先露

贈葉聖野

廚顧今誰在相逢倍黯然西臺哭自慟東海蹈誰憐靡騁
悲天馬銜哀託杜鵑芙蓉照秋水還上釣魚船

燕臺感舊

宮闕岌堯夕照開登臨是處重徘徊一行雁影南天落萬
里龍媒北極來芳草萋迷埋石鼓寒風蕭瑟上金臺因逢

燕市悲歌客貰酒還聽畫角哀

魏允枚字卜臣號功父嘉善人順治戊子舉人

寄六弟

作客頻年慣今偏憶故鄉老親能恤緯稚子解扶牀夢入
清宵短雲看白晝長愁心逐江水日夜下潯陽

淮上送人歸睦州

野渡青青楊柳新自憐爲客久風塵送君遠向嚴陵去七
里濤聲落富春

王永命字九如號劬菴臨汾人順治戊子舉人官遷安

知縣擢行人有有懷堂筆松韻堂筆邊工漫記

詩話劬菴生有至性親喪哀毀盡禮著蓼莪操
少從其鄉先生桑暉升游學有根柢不以詩名

和覺老菊花韻

不寄籬邊不繫闌
遠移香氣雨花寒
秋深此日題知己
淡煙姿醉裏看

焦賁亨字汝將登封人順治戊子舉人官瑞州同知

觀盧巖瀑布放歌

峯回絕壁鬼斧折
鑿破天門天漢泄
千崖照耀挂長虹
飛流濺沫噴寒雪
須臾幽壑風颯颯
吹散游絲四面射
我欲翦之作羅裙
鮫人停梭依嵐泣
危磴斑斑繡紫黛
躡屐捫蘿石龕在洞
花搖落點翠林懸
巖顛松皆生態隱
隱谷口處土莊盈
盈碧水洗石牀載
酒酣歌興未已玉
女峯頭月吐芒

趙三麒字乾符武鄉人順治戊子舉人官泰州同知有

似園集

詩話乾符詩蘊釀深醇自饒唐韻爲漁洋所稱許官
泰州同知漁洋在廣陵嘗詫客曰吾衙官屈宋矣

夜坐有作

明燈倦修夜清言誰與晤
虛牖響悲風寒月出高樹
淒淒四野鴻矯矯雲中鶩
歲月漫遷徂此生却虛度
歸養計未成徒倚傷遲暮

聽琴

涼風宜晚集燈火夜堂沉
吳客鼓蘭操臨風寫意深
露桐應下葉秋鶴欲投岑
此調久淪寂聞之開素襟

衡山

嵯峨南盡楚江天七十餘峯路幾千
銅柱挂雲堆漢表祝融看日起山巔
金書玉簡從誰得石鼓朱陵不似前
極目衡陽千萬水每聞鴻雁一悽然

毛蕃字穉賓嘉善人順治戊子副貢

魏交讓曰穉賓詩如陳王會圖航海梯山畢致珍異
又如龍宮寶藏不可測識即廊廡間物無非結緣懸
黎

鏡聽詞

匣中古鏡青銅蝕持向竈前重拂拭
歛衣載拜前致詞夫壻一別無消息
古鏡千年會有神重問歸期真未真
山川險阻虎豹聚丁甯細向鏡中訴
拜罷回頭竊自傷繡帶菱花什襲藏
他時夫壻重相見更與摩挲祠竈王

關山月

紫塞秋風勁黃榆玉露寒可憐今夜月
還在異鄉看畫角聲偏慘刀環夢已闌
城頭回首望衰草白漫漫

多宏安字君修號畏庵阜城人拔貢歷官江西布政使

石湖

暇日躡雙屐探幽到水濱
風光梳岸草鶯語醉游人
棹破一天水花明萬樹春
湖山需佐理邱壑見經綸

晚晴簃詩匯卷二十四終